

# 1 Korinti

## Pauloŋe Korinti yengât ekap angoân kulemgum katyĩngiop.

O bukulipne,

<sup>1-2</sup> Yen Korinti kapi ambolipŋaŋe Yesu Kiristo orop biwiyenŋaŋe hikuakmâ konohâk otmu tem lâuwaŋgim manŋetgât Anitâŋe meye hop. Nâ Paulo. Emelâk Awoŋnennŋe Anitâŋe Yesu Kiristohât aposolo sâ m katnekmâ âi nihiop ya mem mansan. Otmu bukunenŋe âlâ, kutŋe Sostene, yâkŋe nâ orop nep tânahom mansait. Yawuhât netŋe heronŋe nâŋgâyĩngim ekap yu kulemgum katyĩngiait. Yâhâ lohimbi hânŋan kulemŋan manmâ araiŋe Kiristohâlen biwiyenŋaŋe kepeim manmai ya Anitâŋe meyekmu komot konohâk otmâ tem lâuwaŋgim Kutdânenŋe Kiristo mepaem manmain.

<sup>3</sup> Otmu yengât nâŋgâm Anitâ yuwu sâ m ulitguman. “O, Awoŋ, gâŋe Kutdânenŋe Yesu Kiristo orop Korinti kapi ambolipŋe Kiristohâlen biwiyenŋe katmâ mansai ya yengât nâŋgâm tihityenŋe otmutâ biwi nâŋgân nâŋgânyenŋaŋe kepeiakmâ konohâk otmâ sânduk sâekgât ulitgohoan.” Yawu sâ m ulitguman.

*Pauloŋe Korinti kapi ambolipŋe yengât nâŋgâm Anitâ mepaep.*

<sup>4-5</sup> Anitâŋe ikŋe engatŋeâk otmâ meyekbe sâ m Yesu Kiristo hâŋgângumu giop. Gârâmâ yâkâlen biwiyenŋe katŋetâ Anitâŋe yekmu ârândânŋ otmâp. Otmu Kiristo orop biwiyenŋaŋe

kepeiakmâ manñetâ mâmâñe otyiñgimu mansai. Yawu otyiñgimu nâñgân nâñgânyenñe holañakmu yâkât den pat âlepñe hewewenâk ekyongonñetâ bukulipyenñe nâñgâñetâ âilonjo oap. Yengât den pat ya nâñgâm Anitâ mepaeman.

<sup>6-7</sup> Yâhâ yen emelâk biwiyenñe Yesuhâlen katbi yakât nâñe Kiristohât den kâsikum yingiminiwan. Ya nâñgâm yâkâlen biwiyenñe kepeinñetâ mâmâñe otyiñgimu tem lâuwanñim orotmeme bâlenñe pilâwi yan ki torokatmâ manmâ gai. Yakât otmâ Wâtgât mâmâñahât Heakñe mâmâñe otyiñgimu manman âlepñahât bulâñe topñe topñe yengâlen tetemu mansai. Otmu Kutdânenñe Yesu Kiristonñe âwurem ge meyekbuap yakât biwi nâñgân nâñgânyenñe kilik kilik sâmu mambotbangim mansai.

<sup>8-9</sup> Yawu gârâmâ Anitâ nanñe Yesu Kiristo Kutdânenñe orop biwi nâñgân nâñgânyenñe hikuakmâ mannomaihât Anitâñe meyehop. Meyehop yakât otmâ ikñahâk ki betyongowuap. Yakât otmâ Yesu Kiristohât wâtñan manmâ yâhâñetâ sâp patoen âwurem ge meyekbuap yan yâkât senñan koko salehâk kinnomai.

*Korinti lohimbine yenahâlâk nanñanñinñetâ yahalop.*

<sup>10-12</sup> Bukulipne, den umatñe âlâ yengâlen tap yakât sâmune nâñgâñet. Yengâlen gâtñe imbi âlâ, kutñe Koloe sâm, yâkât hoñ bawalipñane taka yuwu sâm eknohowi. “Bukulipge Korinti kapiân mansainñe yenahâlâk nanñanñinñetâ yahatmu yuwu sâm den kakñan sahanñim hionakmâ mansai. “Âo, Paulo yamâ nengât kunnennñe. Yâkât den nâñgâmunñe bulâñe otmap,” sâmai. Yâhâ buku

nombotŋaŋeâmâ hionakmâ yuwu sâmai. “A, a, yawu bia. Nenâmâ Apolohât den nâŋgâmunŋe bulâŋe otmu tem lâuwangimain,” sâmai. Yâhâ nombotŋaŋeâmâ yuwu sâmai. “Bâe, wonângen, nenâmâ Petorohât komot. Yâkŋe kunnenŋe manmâ den bulâŋe sâmap ya konok nâŋgâmain,” sâmai. Yâhâ nombotŋaŋeâmâ yuwu sâmai. “Oŋ, nenâmâ Yesu Kiristohât den nâŋgâm lâumain. Âlâlâ yengât den nâŋgâmunŋe helekŋe otmâp,” sâmai.” Den pat yawu eknohoŋetâ nâŋgâmunne ki ârândân oap. Bukulipne, Kutdânenŋe Yesu Kiristoŋe sârereyekmâ kaweyenŋan kinmu kuŋetâ muop. Yakât nâŋgâm ki hionakmâ ikŋiâk ikŋiâk otnomai. Yawu otmâ kaok oraŋgim biwi nâŋgân nâŋgânyenŋe hikuakmâ konohâk otmu den kakŋan ki sahaŋginomaihât naŋgan.

<sup>13</sup> Yawu gârâmâ yengât den pat ya naŋgan. Yawu gârâmâ yakât yuwu sâmunne nâŋgânet. Yeŋe hionakmâ nombotŋaŋak Kiristohât komot bulâŋe mannomaihât dop ki tap. Yesu Kiristoŋe yen komot konohâk manŋetgât menduhuyehop. Yawu gârâmâ yenjahâk ki hionaknomai. Yawu gârâmâ nâŋe yengât toсахât otmâ howanân ki nohoŋetâ muwan. Me manman kârikŋahât pat yakât bulâŋe menomaihât nâhât kulân toen ki katyekbi. Yakât otmâ girawuhât otmâ imbiâk nâhâitŋe kunnenŋe oap sâm den sahaŋgimai?

<sup>14</sup> Yawu gârâmâ yengâlen gâtŋe lok yâhâp, kuyetŋeâmâ Kirisipo yet Gaio yâhâk toen katyelekan. Yakât nâŋgâmunne âilonŋo oap. Yamâ wongât? Nâŋe lok sambe toen mem katyekban mâne dondâek hionakŋetâ umatŋe kakyenŋan

yâhâmbâp.

15-16 Âo, nelâmnohoap, ya nângâmune teteap. Nâmâ Setepanas imbiñe naomñe hârohâk toen katyekban. Yâhâ yengâlen gâtñe âlâ toen katban me ki katban ya ki nângâmune teteap. Yawu gârâmâ yengâlen gâtñe sambenje nâhâitñe toen katnenehop ya ki sânomai.

17 Yawu gârâmâ Yesu Kiristoñe menekmâ âi sâm nihiowân yan lohimbi toen katyekbomgât ki eknohop. Yâhâ ikñak sâreerenekmu howanân kuñetâ muop yakât den pat ya kâsikum yingiwomgât âi sâm nihiop. Yâhâ den kâsikum yingiman yan nâhât nângâñetâ yahatmu Kiristohât den pat yakât nângâñetâ gemap sâm den pat ya tâñ tâñâk ekyongoman. Den ya nine nângân nângân watmâ ki kâsikum yingiman.

*Kiristoñe sâreerenekmâ kawenennan kinmu kuñetâ muop.*

18 Yâhâ Kiristoñe sâreerenekmâ kawenennan kinmu kuñetâ muop yakât den pat âlepñe ya lohimbi hiliwahonomaihât pat mansainje nângâñetâ tâñât otmap. Yamâ benje nenâmâ manman kârikñahât pat mansainje den pat ya nângâmunnje keterakningimu yâkât wâtñan kinmâ tem lâuwanñgiman.

19 Den yan yuñe emelâk Anitâñe poropete âlâ den ekumu kulempuop ya miap. Den yamâ yuwu tap.

“Lok nombotñe yeñe nângân nângân watmâ bukulipyenje den kâsikum yingimai yâhâmâ biwiyeñe mem gulip tuhumune nângâñetâ ki keterakbuap. Me lok nombotñe nângân

nângânyene oropne yene engatyeneâk otmâ bukulipyene den ekyongomai yamâ mem kopa tuhuyekmune pâpgunomai.” Den yawu tap.

20-21 Yâhâ lok âlâ me âlâne yene nângân nângân watmâ Anitâhât den nângâm pesuk pilânomaihât mâtâp yamâ ikne engatneâk maŋguyiŋgiop. Yakât otmâ sâp yiwerene yuâmâ lok nângân nângânyene oropne yehâk Anitâhât den nângâm pesuk pilânomaihât dop âlâ ki tap. Me lok nombotne pepa emetjan yâhâmaiŋe den girawuya Anitâhât biwiŋan tap yakât nângâne sâm hâum pâpgumai. Me lok nombotŋane menduhuakmâ yu yakât topne nângâne sâm den alahumai yaŋe gurâ Anitâhât den ki nângâm heŋgeŋgumai. Yawu otmâ Kiristohât den pat âlepne nângânetâ tâŋât otmap. Yâhâ nenŋeâmâ yâkât den nângânomgât mâtâp ki maŋguningimap. Yakât otmâ denŋe nângâmunne bulâne otmu Anitâne nine nanne baratne sâm wawaenenekmâ manman kârikŋahât pat kuningiop. Yakât otmâ lokgât nângân nângânâmbâ tetem gap yakât nângâmunne gemap.

22-23 Yâhâ Yura lohimbiŋe kulem topne topne tetemu ekŋetâ âlâ kândâkdâ otmap yanâk Anitâhâlen biwiyene katmai. Yawu gârâmâ Yesu Kiristo howanân kuŋetâ muop yan kulem teteop yakât ekyongomunne nângânetâ gemu bet pilâmai. Yâhâ Girik lohimbiŋeâmâ manmanyehâhât topne lok âlâ me âlâne sâm kusânâmâ ekyongonetgât nângâmai. Yawu nângâmai yamâ nenŋe Kiristohât den pat âlepne ekyongomunne nângânetâ tâŋât otmap.

24-25 Yawu gârâmâ Yesu Kiristone Anitâhât bi-

wiŋan den âlâlâ tatmap yakât topŋe sâŋ teteop ya lohimbi nombotŋe nâŋgâŋetâ tâŋât otmap. Den yakât topŋeâmâ lok âlâ me âlâŋe yeŋahâk nâŋgâm heŋgeŋgunomaihât dop âlâ ki tap. Yamâ benŋe nen Yura lohimbi nombotŋe otmu yen Girik me pâku lohimbi nombotŋe Anitâŋe dâinenekmâ mâmâŋe otningimu den pat âlepŋe ya nâŋgâmunŋe âlâ kândâkdâ otmap. Yawu otmâ yâkâlen biwinenŋe kepeimunŋe nine nanne baratne sâŋ menenehop. Yâhâ manman kârikŋahât pat kuningiop yakât bulâŋe nenŋahâk menomgât dop âlâ ki tap. Yawu gârâmâ Yesu Kiristo howanân kuŋetâ muop yamâ Anitâŋe mumuŋambâ mem yahatmu yâkâlen kândiwahom manman kârikŋahât mâtâp mem teteningiop. Mâtâp ya watmâ yâhânom yan bulâŋe ningimu menom.

26-28 Bukulipne, den sâŋ aran yukât topŋe nâŋgâŋetâ keterahâkgât yuwu sâŋmune nâŋgâŋet. Emelâk Anitâŋe yen dâiyekmâ Kiristohât komolân torokatye hop yan lohimbi belâŋen manminiwiŋe nâŋgâyiŋgiŋetâ girawu teteop yakât sâwe. Yen yekmâ nâŋgân nâŋgânyeŋe gehene sâŋ nâŋgâyiŋgiŋetâ geminiop. Yakât otmâ lohimbi belâŋen manmâ nâŋgân nâŋgânyeŋe orop mansaiŋe yen yekmâ aŋulaknomai sâŋ Anitâŋe meyehop. Yâhâ yakât dopŋeâk lohimbi belâŋen manminiwiŋe yekmâ lok tâŋât me lok inŋe sâŋ nâŋgâyiŋgiŋetâ geminiop. Yawu gârâmâ Anitâŋe meyekmâ biwi sânduhân katyekmu mansai. Yakât otmâ lok papato me lok kutyeŋe orop belâŋen manmai yaŋe yekmâ yuwu sânomai. “Biwi sânduhân manŋetâ nenŋe hâmbiŋ gumbiŋ

mansain sâm an̄ulaknomai.

<sup>29</sup> Top̄je yawuhât lohimbî âlâ me âlâje yenjahât nângânetâ yahatmu “Nenjahâk manmun̄je ârândân̄ oapgât manman kârik̄jan mannom” sâm Anitâ ekunomaihât dop âlâ ki tap.

<sup>30</sup> Yawu gârâmâ Anitâ ik̄jahâk menenekmâ mâmâje otn̄ingimu Yesu Kiristo orop biwinen̄jañe hikuakmâ konohâk otmu mansain. Yawu otmâ yâkât biwiñan den girawu tap ya biwi nângân nângânnen̄jan katmu nângâm̄un̄je keterakningimap. Keterakningimu tem lâuwangimun̄je nenekmu ârândân̄ otmap. Yawu torokatmâ manmâ yâhân̄omgât manman bâleñahât pañgoñâmbâ holañnenekmu mansain. Yakât otmâ mâtâp katningiop ya watmâ Kiristohât wâtñan kinmâ manmâ yâhân̄om yanâmâ nine nanne baratne koko salek sâm menenekbuap.

<sup>31</sup> Den yan yuñe Anitâje emelâk poropete âlâ den ekumu kulemḡuop ya miap. Den yamâ yuwu tap.

“Lohimbî âlâ me âlâje buk̄ulip̄nen̄jañe nângâninḡinetâ yahalâk sâm ki mepaeaknomai. Yâhâ Kutdâyeñe mâmâje otyinḡmu manman âlep̄ñahât bulâje yengâlen teteap yakât Kutdâyeñahât nângânetâ yahatmu buk̄ulip̄yeñe ekyongonomai.” Yawu tap.

## 2

*Kiristohât den pat nângânetâ hâi hâiñe otmap sâm den hewewen̄jâk kâsikum yinḡiminiop.*

<sup>1</sup> Buk̄ulip̄ne, den sâm aran yukât top̄je nângânetâ keterahâkgât ninan hâum sâmune

nângâñet. Nâñe yeñgâlen puwâk takawan yan Anitâñe tihitnenñe otmâ Yesu Kiristo hângângumu giop yakât den pat ekyongowan. Ekyongowan yan nâñgâñetâ hâi hâiñe otmap sâñ hewewenjak kâsikum yingiminiwan. Me emelâk pepa emetñan yâhâmune nâñgân nâñgân topñe topñe kâsikum nihiminiwi ya ki watmâ ekyongomune nâñgâñetâ hâi hâiñe otminiop.

<sup>2</sup> Yawu otmâ Yesu Kiristoñe kawenennan kinmu howanân kuñetâ muop yakât nâñgâm heñgeñguñetgât biwinanñe kepeim den pat âlepñe ya konohâk sâñ holañmâ ekyongominiwan.

<sup>3</sup> Sâp yan den ya girawu sâñ ekyongomune nâñgâñetâ bulâñe yeñgâlen teteâk sâñ nâñgâm biwine ahom niahop. Yawu otmâ lohotñan ekyongominiwan.

<sup>4-5</sup> Ekyongominiwan yan den topñe topñe ki sâñ biwiyeñan kionñiniwan. Yawu gârâmâ Wâtgât mâmâñahât Heakñe mem hewewenñ tuhuyekmu biwiyeñanñe Kiristohâlen kepeiwi. Yakât otmâ yeñgât manmanyenñe ekmune Anitâhât wâtñan kinmâ lokgât nâñgân nâñgân ya ki watmai yawu oap.

*Wâtgât mâmâñahât Heakñe biwinenñan kionñu Kiristohât den pat nâñgâmunñe bulâñe otmap.*

<sup>6-8</sup> Nâñe nâñgân nâñgân girawuya watmâ den ekyongomune lohimbî nombotñanñe nâñgâñetâ keterakmu Kiristohât nâñgâm tem lâuwangim mansai. Yakât yuwu sâñmune nâñgâñet. Nâñgân nâñgân watman yuâmâ lok papatolipnenñe yeñgât nâñgân nâñgânyenñambâ ki tetemap. Otmu yakât topñe gurâ nâñgâm pâpgum gai. Yâhâ



nângâm heŋgeŋuwi mâne Kutdânenŋe Kiristone Anitâ orop dopyetŋe konok oap yakât nâŋgâm ki hâkân otmâ howanân kuŋetâ mumbâp. Lok yawuya gulip otnomai yakât otmâ yâk yengâlen den nâŋgawe sâŋ ki ariman. Me lok nâŋgân nâŋgânŋe oropŋe menduhuakmâ yu yakât topŋe nâŋgâne sâŋ alahu gulahu otmâ ya yengâlen gurâ ari nâŋgân nâŋgân ya ki meman. Yawu gârâmâ nâŋgân nâŋgân kâsikum yingim gan yukât topŋe yuwu tap. Anitâŋe hân himbim ki kândikyotgop yapâek nâŋgân nâŋgân yu ikŋe biwiŋan tatmâ gaop. Yakât otmâ lohimbi nombotŋe yeŋe nâŋgân nâŋgân watmâ yakât topŋe nâŋgâne sâŋ hâum pâpgum gawi. Yawu gârâmâ nenŋe Anitâ orop laŋinŋan tatmâ manman kârikŋan mannomgât nâŋgâm ikŋe nâŋgân nâŋgân watmâ Kiristo hâŋgâŋumu ge yakât topŋe eknongop.

<sup>9</sup> Yâhâ Anitâ biwiŋan nâŋgân nâŋgân talop yakât nâŋgâm poropete âlâŋe den kulempuop ya yuwu tap.

“Lohimbiŋe Anitâhâlen biwiyeŋeŋe tiŋâk kepeim manmai ya yengât nâŋgâm manman âlepŋahât pat kuyingimu tap. Manman yakât lok âlâ me âlâ biwiyeŋeŋe nâŋgâm pâpgumai. Me senyeŋan ki tetemu ekmai. Me yakât den pat ki sâŋetâ nâŋgâmai.” Den yawu tap.

<sup>10</sup> Yawu gârâmâ Anitâhât biwiŋan den tatmap yakât topŋeâmâ ikŋe Wâtgât mâmâŋahât Heakŋe naŋgap. Otmu lok biwinenŋahât topŋe yawuâk naŋgap. Yakât otmâ Anitâŋe yâk hâŋgâŋumu ge biwinenŋan kionmu Kiristohât den pat nâŋgâmunŋe bulâŋe olop.

<sup>11</sup> Yakât topŋe nâŋgânŋetâ keterahâkgât lok man-

mannenjan hâum sâmunen nângânet. Lok âlâ me âlâne bukulipyene yengât biwiyenjan den girawu tatmap ya ki nângâmai. Yâhâ lok girawuya yengât biwiyenjan tatmap ya yehâk nângâmai. Otmu yakât dopneâk lok âlâ me âlâne Anitâhât biwian den tatmap ya ki nângâmai. Yamâ Anitâhât Wâtgât mâmânahât Heakne konohâk nângâmap.

12 Yâhâ nenneâmâ lok âlâ me âlâhât biwiyenambâ nângân nângân âlâlâ tetemap ya nângâm biwinenjan ki katmain. Anitâhâlen biwinenjan kepeim manmâ gain. Yakât otmâ yâkne ikne engatneâk otmâ manman âlepnehât bulâne topne topne ningimu mansain. Yakât topne nângâm hejengegunehât ikne Wâtgât mâmânahât Heak hângangumu biwinenjan kionjmap.

13 Biwinenjan kionjmap yan lokgât nângân nângân ki watmain. Yâhâ yâkât nângân nângân watmâ Anitâhât den bukulipnenne kâsikum yingimain. Kâsikum yingimunne Wâtgât mâmânahât Heakne biwiyene mem pâronj pilâmu nângânetâ keterakyinjmap.

14 Yâhâ Anitâhât Wâtgât mâmânahât Heakne lok nombotne biwiyenjan ki kionjâ mâmâne otyingimap yanneâmâ manman âlepne yakât bulâne âlâlâ eknetâ tânjât otmu hâkâj otmai.

15-16 Yâhâ nenâmâ Wâtgât mâmânahât Heakne biwinenjan kionjâ mâmâne otningimu Kiristohât biwian nângân nângân âlâlâ tap yakât ki hâum pâpgumain. Yakât otmâ yu yakât topne nângâm hejengegumain. Yawu gârâmâ lohimbî belângen manmaine topnenne hâum pâpgumai. Otmu Anitâhât biwian nângân nângân âlâlâ tap yakât gurâ

hâum pâpgumai. Den yan yuņe emelâk Anitâņe poropete âlâ den ekumu kulemguoop ya miap. Den yamâ yuwu tap.

“Kutdâhât biwiņan den tatmap ya lok âlâ me âlâņe yeņahâk nâņgânomaihât dop âlâ ki tap. Otmu Anitâmâ nâņgân nâņgân amboņe. Yakât otmâ wuân me wuângât ki âlâ pâpgumap. Yawu gârâmâ lok âlâ me âlâņe den kâsikum waņbuapgât gurâ dop ki tap.” Den yawu tap.

### 3

*Biwinenņane hikuakmâ konohâk otmu tânahom Anitâ hoņ bawangimain.*

<sup>1-2</sup> Bukulipne, yeņgât topyeņe teteâkgât den âlâen hâum sâmune nâņgâņet. Lepat namân gâtņe yamâ sot kândâkdâek ki yiņgimunņe nemai. Yeņeâmâ Kiristohât komolân torokatbi yamâ ņaņa yeņgât dop oai. Yâhâ lohimbi belângen mansai yâhâmâ Wâtgât mâmâņahât Heakņe biwiyenjan ki kioņmu yaņak Kiristohât pâpgumai. Yen dop yawu manmâ Kiristohât topņe ki nâņgâm heņgeņguai. Yakât otmâ sot kândâkdâek yiņgimune neņetâ ombeyeņan tatbuap.

<sup>3-4</sup> Yâhâ lohimbi belângen mansaiņe Kiristohât den pâpgumai ya yeņgât dop otmâ mansai yamâ yuwu. Yeņeâmâ nâņgâm bâleangim den kakņan sahaņgim yuwu sâmai. “O, Paulo yamâ nengât kunnenņe.” Yâhâ buku nombotņaneâmâ hioņakmâ yuwu sâmai. “A, a, yawu bia. Nenâmâ Apolohât den nâņgâmunņe bulâņe otmap.” Yawu sâm yan lohimbi belângen manmaiņe otmai yawuâk yeņe otmai.

<sup>5</sup> Yâhâ nâmâ Apolo orop Anitâ hoj bawanġim Kiristohât den pat âlepne ekyongomutne yâkâlen biwiyene katbi. Yâhâ Anitâne âi ikñiâk ikñiâk sâm nitgimu mem manmâ gait yakât nângânetâ keterahâkgât den âlâen hâum yuwu sâwe.

<sup>6</sup> Lok âlâne nep tuhum sot âlâhât alikne kâmetmap yakât dopneâk nâne yengâlen taka topne katmâ Kiristohât den pat ekyongowan. Aiop lok yaņe sot âlâhât alikne kâmetbuap yakât kakņan bukune âlâne newân ari buruņ tetemu hele tuhuwuap yakât dopneâk Apoloņe nâhât betnehembâ taka âi yu torokatmâ Kiristohât den kâsikum yingio. Aiop lok yaņe hele tuhum arimu Anitâne konok lukulemu yan bulâne tetewuap yakât dopneâk mâmâne otyingimu yâkâlen biwiyene kepeinetâ yengâlen bulâne tetemap.

<sup>7</sup> Nâne topne katmâ den ekyongowan. Yâhâ Apoloņeâmâ den kâsikum yingio. Yawu gârâmâ Anitâ ikņak mâmâne otyingimu bulâne yengâlen tetemu Kiristohâlen biwiyene kepeim gai. Bulâne yengâlen tetemap yamâ netgât âi bia. Anitâ ikņak nângâyingimu tetemap. Yakât otmâ yâkât nângâmunne yahalâk.

<sup>8</sup> Yâhâ Apolo orop Anitâ hoj bawanġim mansait. Yakât otmâ nângânitgimu dop konohâk mansait. Yâhâ yâkât sâtgât otmâ tem lâuwangim mansait yakât hâmenje ikñiâk ikñiâk nitgiwuap.

<sup>9</sup> Yenâmâ Anitâhât kalam yakât dop mansai. Nerâmâ biwinetne hikuakmâ konohâk otmu tânahom yâkât sâtgât otmâ kalamņan ari âi tuhuwangimait.

*Kiristone manmannenjahât topne mem tetewuap.*

Bukulipne, yakât topne nângâm heñgenḡuñetḡât den âlâen hâum sâwe. Yenâmâ Anitâhât emetḡât dop mansai.

<sup>10</sup> Nenne topne katmâ emet tuhune sâm yan saran lâum kânângâmunne gemu yakât kakñan hohem katmâ kokore pilâm gâremain. Emet yapâ torokatmâ tuhumunne âilonḡo lonḡo otmap. Yâhâ yakât dopneâk Anitâne âi sâm nihim mâmâne otnihimu biwinaḡe tiñâk kepeim pâku lohimbi yeñgâlen ari topne katmâ Kiristohât den pat âlepne ekyongowan.

Otmu yakât kakñan lok nombotne yeñgâlen taka den ya kelanḡatmaihât nângâm nângâm kâsikum yinḡinḡetḡât nanḡan.

<sup>11</sup> Yâhâ emetḡât kuhupin lâum kânângâmunne ñiwiñ ñiwiñ sâm kinmap yakât dopneâk Anitâne kuhupin sâm Kiristo kânângâmu kinmap. Yawu gârâmâ yâk pilâm âlâ kânângânongât dop âlâ ki tap.

<sup>12</sup> Otmu emet ya torokatmâ tânne tuhum yan lok nombotḡane âwihioḡ, me bon, me kât kârikḡe, me simen, me ain yaḡe mem emet kârikḡe tuhunomai. Yâhâ lok nombotḡe âlâḡeâmâ hombot, me hâpu, me nak lohotḡane mem tuhuñetâ kandi kandi otbuap.

<sup>13</sup> Yâhâ emet ya torokatmâ tuhumunne kârikḡe kinbuap me bâlewuap yakât topne Kiristone âwurem gewuawân mem tetewuap. Sâp yan nenne amboñan amboñan emet ya torokatmâ tuhum mansain yakât topne teteâkḡât yâkḡe sâmu kâlâpḡe punduñ sâm emet ya semu topnenne tetewuap.

14 Yâhâ emet ya tânje ki sem biatbuap otmuâmâ Anitâne hâmeje âlepje ningiwuap.

15 Yawu gârâmâ emet ya sem biatbuap otmuâmâ hâmeje ki ningiwuap. Yakât nângânetâ keterahâkgât den âlâen hâum yuwu sâwe. Emetnenjan iri sikum me senje âlâlâ tatningiap ya aksihâk sem gulip tuhum bâsok senenekbuap yakât dopneâk Anitâhât senjan manmannenjahât bulâje bia kinmâ anulaknom.

16-17 Yakât torokatmâ yuwu sâmune nângânet. Anitâhât opon kâmbukje ya kâlehen ikje kawene tap sâmai yan hâum sâwe. Yenâmâ Anitâhât opon kâmbukje yakât dop otmâ mansai. Yeje Kirsitohâlen biwiyene katbi yapâek Wâtgât mâmâjahât Heakje ge hohetyenan tatmâ mâmâne otyingim gap. Yakât otmâ yengâlen gâtje âlâ me âlâne yenhât nângânetâ yahatmu tat tat memeyene mem bâleaknomai yamâ Anitâne hilipyongowuap.

18-19 Yâhâ emelâk den yan ya yâhâpje sâmune nângânet. Yeje biwiyenane kâityongomu yenhât nângânetâ yahatmapgât biwiyene galemahom mannomai. Yâhâ lohimbi belângen manmaiye nângân nângân wuân me wuângât nângânetâ yahatmap yamâ Anitâne nângâmu tânât otmap. Yâhâ yengâlen gâtje âlâ me âlâne lohimbi belângen mansai yengât nângân nângân watmâ yuwu sâmai. “Nenâmâ nângân nângânnenje orop mansain,” sâmai ya yengârâmâ Anitâne nângâyingimu gemap. Yâhâ Anitâne yengât yawu nângâyingimu gemapgât nângân nângân ya pilâm yenhât nângânetâ giâkgât nanjan. Yawu nângâm mannomai yan lohimbi belângen manmaiye

yengât nângânetâ gemu “lok kopa” sânomai yakât ki gorâyîngiwuap. Den yan yuñe emelâk lok âlâñe den kulemguop ya miap. Den yamâ yuwu tap.

“Lok nângân nângânyene oropñe menduhuakmâ den hikuwi yakât bulâñe mem tetene sâm nângân nângânyene menduhum buku nombotñe kâityongonomai. Kâityongone sâm ot-nomai yan Anitâñe nângân nângânyene mem gulip tuhumu yejahâk kâirahom hiliwahonomai.”

<sup>20</sup> Yâhâ âlâmâ yuwu tap.

“Lok nângân nângânyene oropñe yejahâk nângân nângânyene menduhum den hikumai yakât Anitâñe nângâmu helekñe otmap.” Den yawu tap.

<sup>21-22</sup> Yakât otmâ lok âlâ me âlâñe yengâlen taka yene den kâsikum yînginomai ya yengât ki nângânetâ yahatbuap. Yâhâ emelâk Anitâñe wâhap topñe topñe hânân kalop yapâek tetem gap. Otmu tetem yâhâwuap. Ya kerek yengât sâm pat kuyîngiop. Yakât otmâ nâ Apolo yet Petoro orop yengât amutyenjan manmâ hoñ bayîngim mansain.

<sup>23</sup> Otmu kunnene yamâ Kiristo. Otmu Kiris-tohât kunñe yamâ Anitâ konok.

## 4

*Kiristone biwinenjahât topñe ekmâ sâm hâreningiwuap.*

<sup>1</sup> Yakât otmâ nengât yuwu nângânomai. Anitâñe ikñe den bulâñe ya sâm tetem ekyongonehât menenekmâ âi sâm ningimu Kiristo hoñ bawançim mansain. Yene yawu nângâninginjetâ dopñan otbuap.

<sup>2</sup> Yâhâ Anitâņe nen kerek âi sâġ ningimap ya biwinenņane tiņâk kepeim manmâ yâhânongât sâġ ningiop. Yawu ki otnom yanâmâ nenekmu dondâ bâlewuap.

<sup>3</sup> Yakât otmâ tem lâuwangiman me bia yakât topņe eknehât yeņe nâņġân nâņġân me lok âlâhât nâņġân nâņġân watmâ den âiân katnekmâ sâġ hârenihinomai yakât ki gorânihiap. Otmu nine biwinahât topņe girawu tap yakât nâņġâm nine nâņġân nâņġân me lok âlâhât nâņġân nâņġân ki watman.

<sup>4</sup> Yâhâ nine biwinahât topņe girawu tap ya nâņġâman yan Kutdâhât den bulâņe nâņġâmune biwinan hâumu tosa biaek mansan yawu biwinanņe nâņġâman. Yawu gârâmâ Kutdâhât senņan koko salehâk mansan yawu ki sâwom. Kutdâ ikņak biwinahât topņe ekmâ sâġ hârenihiwuap.

<sup>5</sup> Yâhâ nenņe âlâlâ otnehât nâņġâmain me tihân otmâin memain ya Kutdânennanņe âwurem ge mem tetekņan tuhum sâġ hâreningiwuap yakât sâpņe Anitâņe kalop. Sâp yan nenņe Anitâhât den kâsikum yingim mansain nengât biwinenņahât topņe ekmâ nâņġâningim hâmeņe âlâku ikņiâk ikņiâk ningiwuap. Yakât otmâ yeņeâmâ sâp yiwerenņe sâġ bâleninginetâ ki ârândân otmap.

<sup>6</sup> Bukulipne, yuwu sâġmune nâņġâņet. Lok âlâ me âlâņe Anitâhât nâņġân nâņġânņe miti denân tap yukât andemņe wangim torokatnomaihât dop âlâ ki tap. Yakât topņe yeņe nâņġâm henņenņunetġât den sâġ aran yu Apolo orop netņan hâum ekyongomune nanġai. Yakât otmâ yeņe buku âlâhât nâņġâņetâ yahatmu âlâhât nâņġâņetâ gemu sâġ bâleangimai yanņe dondâ bâleap.



<sup>7</sup> Yen âlâñe sâm yingimu yenjahât nângâñetâ yahatmap? Yawu otñetâ dondâ bâlemap. Yâhâ nângân nângânyene âilongo tetemap yamâ in ki tetemap. Anitâ ikñak biwiyenjan kionmu yanâmâ ya tetemap. Otmu yâkñe wahap âlâlâ kerek bât belaiâk ningimap. Yawu otningimap yakât otmâ nenjahât nângâmunñe yahatbuapgât dop âlâ ki tap.

*Anitâñe Paulo aposolo âi sâm wañmu hoñ bayingim manop.*

<sup>8</sup> Bâe, yeñe “Emelâk nângân nângânnenñe keterakningimu Anitâhât den topñambâek nangain,” sâmai. Me “Nenjahâk manman âilongoân mansain,” sâmai. Otmu emelâk kunyetñe manmunñe amutnenñan mansawot netgât yawu sâmai. Yawu sâmai yañe ki ârândâñ oap. Gârâmâ yeñe Anitâhât den topñambâek nângâm kunlipnenñe otmâ manman âilongoân manbâi. Yawu mansai mâne orowâk manbâin.

<sup>9</sup> Yawu gârâmâ manmannenjahât nângâñetâ keterahâkgât den âlâen hâum sâwe. Tembe lâñe lok bâleñe meyekmâ den âiân katyekmâ mumuhât pat kuyingimai. Yawu otyingim yanâmâ meyekmâ lohimbî senyenjan kânângâyekñetâ kinñetâ mem âlâlâ tuhuyekmai. Yakât dopñeâk Anitâñe menenekmâ aposolo âi sâm ningim lok kerek yengât amutyenjan katnenekmu lok bâleñe yekmâ nângâm bâleyingim mem âlâlâ tuhuyekmai yakât dopñeâk nenekmâ nângâm bâleningimai. Nenekmâ nângâm bâleningimai yakât topñe anelone nangai.

<sup>10</sup> Nenâmâ Kiristohât den pat âlepñe lohimbî belângen mansai ya ekyongomunñe nângâñetâ na-

hat otmu nengât lok senduk sâmai. Yâhâ yeŋahât nâŋgâŋetâ yahatmu “Nâŋgân nâŋgânnenŋe orop manmâ biwinnenŋe galemahom mansain,” sâmai. Yâhâ nengât nâŋgâŋetâ gemu Anitâŋe ki mâmâŋe otyiŋgimu bulâŋe tetemap nengât yawu sâmai. Yawu sâm yan yeŋahât nâŋgâŋetâ yahatmu “Anitâŋe mâmâŋe otniŋgimu âi topŋe topŋe memunŋe bulâŋe tetemap,” sâmai. Yakât otmâ lohimbî belâŋen manmaiŋe yeŋgât nâŋgâŋetâ yahatmu ewe katyekmai. Yâhâ nengârâmâ nâŋgâningiŋetâ gemu lok tawi tawiŋe sâmai.

<sup>11-12</sup> Bulâŋanâk hop sambe kakŋan ki mansain. Nen bât kandiânâk nemain sâm âihât hâhiwin nâŋgâmain. Yawu otmâ emet kandiân im yahatmâ kapi hawamgum den ekyongomain. Yawu manmunŋe lohimbî belâŋen manmaiŋe nenekmâ hâim hilitnenekmai yan Anitâŋe lukuleyehâkgât ulitgumain. Yâhâ mem âlâlâ tuhunenekmai yan gurâ den biaek manmâ ki lohotŋe otmâin.

<sup>13</sup> Otmu nengât huŋ bero sâm hâinenekmai yan gurâ iliwetmâ den lohotŋan sâm ekyongomain.

<sup>14-15</sup> Nâ den sâm aran yu nâŋgâm anulakŋetgât ki ekyongoan. Anŋoân nâ niniâk yeŋgâlen taka Kiristohât den pat âlepŋe ekyongomune nâŋgâŋetâ bulâŋe otmu yâkâlen biwiyenŋe katbi. Yapâek yen orop biwinnenŋaŋe kepeiakmâ âwâ nan yawu manmâ gain. Yâhâ yeŋgât galemlipyenŋeâmâ sesenŋâlâk. Gârâmâ âwâyenŋeâmâ nâ konohâk. Yakât otmâ yeŋgât nâŋgân nâŋgân ya pâronŋe sâekgât wawaeyekmâ girem den yu ekyongoan.

<sup>16</sup> Yeŋe nanlipne yawu mansai. Yakât otmâ Kiristone mâtâp yu wat sâm nihiop ya tâŋ tâŋâk watman. Nâŋe kâi towat otman yawuâk watmâ

mannetgât nanġan.

<sup>17</sup> Yakât otmâ bukune Timoteo hânġângumune yeġġalen taka den kâsikum yinġiwuap. Den kâsikum yinġimu nânġânomai yan nâġe Kiristohât komot den kâsikum yinġimune lâum mansai yakât topġe nânġâm heġġenġunomai. Otmu Timoteo orop biwinetġaġe Kutdâhâlen kepeim nanġe âwânġaġe tânahomawot yakât dopġeâk tânahom Kutdâhât âi memait.

<sup>18</sup> Yâhâ yen nombotġaġe nâhâitġe ki takawuap sâġ yeġġhât nânġânġetâ yahatmu hâġeġe bitmâ bitmâ oai.

<sup>19</sup> Yawu ġârâmâ Kutdâġe sâġmu mâġâp tetenihiwuap yan yeġġalen in yawu takawom. Taka lok yan yu âlâġe mâġâġe otyinġimu yeġġhât nânġânġetâ yahatmu sâġ bâlenihim mansai yakât topġe nânġâwom.

<sup>20</sup> Yâhâ yeġġhâk den topġe topġe alahum biwiyeġe ki galemahom heġġenġumai. Yakât otmâ Anitâġe tihitnenġe otmap yan ikġe Wâtġât mâġâġhât Heak hânġângumu biwi nânġân nânġânġenġan ġe mâġâġe otninġimu galemahom manmain.

<sup>21</sup> Yakât otmâ yeġġalen taka ġirawu otyinġiwomġât nanġai? Nâġe taka den kâwâ kârihân kuwikyebomġât nanġai me lohotġan taka buku otyinġiwomġât nanġai?

## 5

*Lok âlâġe otmu dondâ bâleop ya ketetġetâ manâġġât sâop.*

<sup>1</sup> Yeġġât den pat bâleġe yuwu sâġetâ nânġâwan. Yeġġalen ġâtġe lok âlâ mâġâġâit yaġe ki orotġe

otmâ mansawot. Orotmeme otmâ mansawot yawu yakât pâku lohimbiŋe samut kârikŋe katŋetâ tap. Yâhâ yeŋeâmâ yelekâmâ ki sâyitgimai. Yamâ yuwuhât yan. Yeŋgâlen gâtŋe lok âlâŋe imbi memu nanyetŋe teteop. Yawu gârâmâ manmâ manmâ nanyetŋe lok otmu mâmâŋe ya bâleop. Mâmâŋe bâlemu âwâŋaŋe imbi âlâ miop. Yawu gârâmâ nanŋe yaŋe mâmâŋe orop manmawot. Yawu manmâ lok âwâyetŋe senŋe buhum betŋehen kioŋmawot.

<sup>2</sup> Yawu otmawot yakât ki sâyitgim gai yakât aŋulakŋet. Otmu lok ya ketetŋetâ manbâp. Yawu otbâi yamâ yeŋe yelekâmâ ki yelekâmâ yawu otmâ yeŋahât nâŋgâŋetâ yahatmap. Yakât nâŋgâmune dondâ bâleap.

<sup>3</sup> Nâŋeâmâ kâlepŋehen mansan. Yawu gârâmâ emelâk yen orop tatmâ biwinenŋaŋe sipawahom konohâk otmu den alahuwin. Yakât dopŋeâk yuwu ekyongomune nâŋgâŋet. Yesu Kutdânenŋe biwinanŋe yâk hikum mansan. Otmu yâkŋe girawu sâŋ hâreyiŋgiop yawuâk lok bâleŋe yukât sâŋ hârewaŋgian.

<sup>4</sup> Yâhâ nâ orowâk tain mâne girawu sâŋ hârewaŋgimbâm yakât nâŋgâm menduhuakmâ Yesu Kutdânenŋe yâkât wâtŋan kinmâ yuwu otbaŋgiŋet.

<sup>5</sup> Hâmbâi Kutdânenŋaŋe âwurem ge lohimbi biwinenŋahât topŋe ekmâ nâŋgâm sâŋ hâreniŋgiwuap. Sâp yan Anitâŋe lok yu membuapgât yeŋe ketetŋetâ ari belâŋgen manmu Satanŋe hâhiwin waŋbuap. Hâhiwin waŋmu orotmeme bâleŋe otmâ mansap ya bet pilâm Kiristo tem lâuwaŋgiwuapgât den ekyongoan yuwu

otnomai.

<sup>6</sup> Lok yaŋe mâmâŋe orop mansawot ya yetgât den ki sâyitgim gai. Girawuhât otmâ yenjahât nâŋgâŋetâ yahatmap? Yakât aŋulakŋet. Yâhâ biwinan girawu tap yakât nâŋgâŋetgât matuk keluŋan hâum sâmunne nâŋgâŋet. Imbilipnennŋe dâmbia golanŋumai. Golanŋumâmâ matuk mendârenŋetâ keluŋe gemu dâmbia orop menduhŋetâ matuk keluŋane sânduk sâm ârândâŋ otmap.

<sup>7</sup> Yâhâ yakât dopŋeâk lohimbi yâhâp yaŋe hohetyeŋan manmutâ orotmeme bâleŋe yuŋe mem bâleyekbuap. Yawu tetemapgât ketetyelekŋetâ belângen ari manset. Yawu otnomai yanâmâ Anitâhât senŋan koko salehâk mansai yawuâk torokatmâ mannomai. Yawu manmâ dâmbiaen matuk keluŋe ki mendârenŋetâ tatmap yakât dopŋeâk mannomai.

Yawu gârâmâ den âlâen hâum yuwu sâmunne nâŋgâŋet. Emelâk Tihit tihit Hombaŋ ârândâŋâk Yura lohimbi nengât tosa biatningiâk sâm hotom uminiwiŋe lama nanŋe gâim hepŋe tuanŋuminiwi. Hepŋe tuanŋum yan sot um neminiwi. Emelâk lama nanŋe gâim hepŋe tuanŋuminiwi yakât dopŋeâk Kiristohât hepŋe moseleakmu mum yan nengât tosanenŋe bunewâk pilâningiop.

<sup>8</sup> Yakât otmâ heronŋe nâŋgâwanŋim um nenom yan matuk keluŋe yaŋe manman bâleŋahât dop oapgât ya orop ki menduhum nenom. Yawu otmâ manman koko salek yawuâk mannom sâm sot inâk nenom.

<sup>9</sup> Yâhâ lohimbiŋe kâwâ konda otmâ mansai ya orop buku ki oranŋiŋet sâm pepa kulemgum

katyĩngiwan ya ekĩjetâ ki keterahop.

10 Yakât otmâ den yakâlâk sâĩ hẽngẽngumune nãngãĩjet. Pãku lohĩmbi nombotĩĩe kãwã konda otmai, me senĩe âlâlã ekĩjãlem kombo meĩngĩmai, me Porom Lãpio mepaemai, yãk betyongom yeĩeãk mannomaihãt ki sãwan. Yen lohĩmbi bãleĩe orop oset guset mansai. Yakât otmã betyongom yeĩeãk mannomaihãt dop âlã ki tap.

11 Yawu gãrãmã topĩe yuwuhãt den ya kulemgum katyĩngiwan. Bukulipyẽe nombotĩe “Emelãk biwinenĩe Kiristohãlen katbin” sãmaiĩe kãwã konda otmai, me senĩe âlâlã ekĩjãlem sen buhu buhu otmai, me Porom Lãpio otmu Anitã orowãk mepaeyelekmai, me den belãngen sãmai, me to kãrikĩe nenjetã biwiyẽe gulip otmap, me kombo meĩngĩmai. Bukulipyẽe yawu otmai yamã kewilãyekĩjetã belãngen ge manĩetgãt den ya kulemgum katyĩngiwan. Otmu yãk orop lau konok ki nenomaihãt nanĩan.

12-13 Yãhã nãe lohĩmbi belãngen mansai yenĩetã sãĩ hãreyĩngiwomĩetã Anitãe ki sãĩ nihiop. Anitã ikĩak biwiyenãhãt topĩe nãngãĩ sãĩ hãreyĩngiwuap. Yawu gãrãmã bukulipyẽe orowãk biwiyenãe hikuakmã konohãk otmu menduhuakmã Kiristo mepaemai ya yenĩalen gãtĩe âlã me âlãe otĩetã bãlemap ya sãĩ hãreyĩngĩet. Sãĩ hãreyĩngĩetã ki nãngãĩnomai ya kewilãyekĩjetã belãngen ari mannomai. Yawu otnomai sãĩ Mosenĩe girem den âlã kulemguop ya yuwu tap.

“Lok orotmeme bãleĩe otmai ya hohetyenãmbã ketetyekĩetã arinomai.”

## 6

### *Lohimbiñe hionakmâ den âiân karakminiwi.*

<sup>1</sup> Bukulipne, den umatñe âlâ nângâwan yakât yuwu sâmunne nângâñet. Yeñgâlen gâtñe nombotñe kuk otmâ hionakmaiân añgoân papatolipnennñe umatñe yu kuwikningñetâ kaok orañgine sâm yâk yeñgâlen ki mem ari tiripyongomai. Bukulipyene hionakmai ya meyekmâ ari pâku lok yeñgâlen den âiân katyekñetâ yâkñe sâm hâreyingimai. Den pat yu eknohoñetâ nângâmune dondâ bâleop.

<sup>2</sup> Yâhâ nen Kiristohâlen biwinennñe kepeim manmainñe lohimbi belângen mansai ya sâm hâreyinginom yakât emelâk Anitâñe sâm kalop. Âlâñe yakât ki ekyongop? Nâ ekyongowan yakâ. Yâhâ lohimbi belângen mansaiñe orotmeme bâleñe otmai ya yeñgât sâm hâreyinginomai. Yakât otmâ den tâñât yuwuya yamâ yeñjahâk in yawu kuwikmâ kaok orañgimbâi?

<sup>3</sup> Otmu hâmbâi sâp patoen añelo yeñgât gurâ sâm hâreyinginom yakât sâm kalop. Yawu gârâmâ girawuhât otmâ bukulipyene orop den ki kuwikmâ kaok orañgimai?

<sup>4</sup> Yawu gârâmâ yeñe kuk otmâ hionakmaiân girawuhât otmâ lohimbi Kiristohât hâkâñ otmai yeñgâlen ari den âiân karakmai?

<sup>5</sup> Yen añunyeñe bia. Yeñgâlen gâtñe lok âlâ nângân nângânñe oropñe sâm hâreyingimu ârândân otbuapgât dop tap ya nañgan.

<sup>6</sup> Yeñe hionakmaiân lohimbiñe Kiristohât den nângâñetâ helekñe otmu pilâmai ya yeñgâlen ari

den âiân karakŋetâ sâm hâreyiŋgimai ya nâŋgâmune dondâ bâleap.

7 Yâhâ yeŋe hionakmâ den âiân karakmai yan Anitâhât den lâum pâpŋuŋetâ yaŋak manman âlepŋahât bulâŋe yeŋgâlen ki tetem heŋgeŋguap. Yakât otmâ buku âlâ me âlâŋe mem bâleyekne sâm otŋetâ yan ki iliwetmâ matŋe kâpekyiŋgimbâi. Me kombo meyiŋgine sâm otŋetâ nembe kalem otyiŋgimbâi.

8 Yawu gârâmâ yeŋahât nâŋgâŋetâ yahatmu bukulipyenŋe orop sâm bâleŋgimai. Me kâirahom kombo meŋgimai.

9 Lohimbi yawu otmaiŋe manman kârikŋan ki mannomai. Yakât âlâŋe ki ekyongop? Yakât emelâk ekyongowan yakâ. Yenâmâ imbiâk eŋgatyenŋe kâityongomapgât yuwu sâmunne biwiyenŋan mem mannomai. Lok yuwuyanŋe manman kârikŋan mannomaihât dop âlâ ki tap. Sen buhu buhu otmâ kâwâ konda otmai, me emet huhumai, me imbilipyenŋe pilâyekmâ lok bukulipyenŋe orop manmâ ekŋâleakmâ otŋetâ bâlemap, me Porom Lâpio kum kâlâpgum mepaemai.

10 Me bukulipyenŋe yeŋgât senŋe âlâlâ ekŋâlem miakne sâm otmai, me kombo miŋgimai, me den bâleŋe hâiakmai, me kâirahomai, me to kârikŋe nem biwi hâlim otmai. Lok yawuyanŋe Anitâhât kapi himbimân tap ya ki ambokunomai.

11 Yâhâ embâŋân Kiristohâlen biwiyenŋe ki katbi yan yen nombotŋenŋe orotmeme bâleŋe yawu otmâ manminiwi. Yawu gârâmâ Anitâhât Wâtŋât mâmâŋahât Heakŋe biwiyenŋe mem hewewenŋ



tuhumu Kutdânenne Kiristohâlen biwiyene katnetâ Anitâne tosayene pilâyinngiop. Tosayene pilâyinngimu Kiristo orop biwiyenane kepeiakmâ konohâk otmu tem lâuwanngim mannetâ Anitâne yekmu ârândâne otmap.

*Kâwâ konda ki otnom.*

<sup>12</sup> Yawu gârâmâ yengâlen gâtne âlâ me âlâne “Ninahâk yu me ya otbom yakât Anitâne nekmu ki bâlewuap,” yawu mon sânomai. Yakât otmâ nâne yuwu sâmune nângânet. Bulânanâk yu me ya otnomai yakât Anitâne yekmu ki bâlewuap. Yawu gârâmâ otnomai ya kerekne yen otmu bukulipyene ki tânyongowuap. Yâhâ ninan hâum sâmune nângânet. Nâne yu me ya otbom yakât Anitâne nekmu ki bâlewuap. Yawu gârâmâ ya witgumâk otmâ yâhâwomgât biwinane yahatmapgât yawu ki otbom. Biwine galemguakmâ manbom.

<sup>13</sup> Yawu gârâmâ yengâlen gâtne âlâ me âlâne yuwu mon sânomai. “Nenne sot nemunne wâtnenne tiñ tiñ sâekgât Anitâne sot topne topne kalop. Otmu sot nem kârikne mannongât Anitâne tepnenne orowâk katnenehop. Yakât otmâ sot nemunne tepnenjan gemap.” Den yawu mon sânomai yakât yuwu sâmune nângânet. Sâp pesuk sâwuawân Anitâne sâmu manman topne topne biatmâ metewuap. Otmu lohimbi nengât hâknenne yu kon sâm âine menom yakât Anitâne sâm kalop. Anitâhât tem lâuwanngim mannongât wâtnenne ningimap. Yakât otmâ lohimbi miakmâ biwiyetne hikuakmâ konohân mandomawot ya ki hârem kâwâ konda otnom.

14 Yâhâ yâkņe ikņe wâtņambâek Kutdânenniņe mu-  
muņambâ mem yahalop. Yakât dopņeâk nen mu-  
muņambâ mem yahatnenekbuap.

15 Yâhâ Kiristohâlen biwiyeņe katbi yan yâk  
orop biwiyeņeņe hikuakmâ konohâk olop. Yakât  
otmâ yâkâlen biwiyeņeņe tiņâk kepeim manmâ  
yâkât lauņe me kâiņe bâtņe otmâ hoņ bawanņim  
gamai. Yakât girawuhât otmâ kâwâ konda otmai  
yeņgâlen torokatmâ yâk orop buku oranņine sâm  
oai? Kâmbukņe, pilâņetgât nanņan.

16 Yâhâ lok âlâ me âlâņe imbi kondarâ orowâk  
mandomawot yan hâkyetņe konohâk otbuap.  
Âlâņe yakât ki ekyongop? Den yan yuņe emelâk  
Moseņe den âlâ kulenguop ya miap. Den ya yuwu  
tap.

“Lok âlâ me âlâņe imbiņahâlen torokatmu  
orowâk mandomawot yan hâkyetņe konohâk  
otbuap.” Den yawu tap.

17 Otmu lok âlâ me âlâņe biwiyeņeņe Kutdâhâlen  
kepeim mansaiņe yâk orop biwiyeņeņe hikuakmâ  
konohâk otmap.

18-20 Yâk orop biwiyeņeņe hikuakmâ konohâk  
olop yan Anitâņe ikņe Wâtgât mâmâņahât Heak  
hânġângumu biwiyeņan ge tatmap. Biwiyeņan ge  
tatmap yakât otmâ yeņe eņġatyeneâk watmâ yu me  
ya otnomaihât dop âlâ ki tap. Kutdânenniņe Kiri-  
stone kawenenniņan kinmu kuņetâ muop yan man-  
man bâleņahât paņġoņâmbâ holaņnenekmâ Anitâ  
orop manman kârikņan mannomgât pat kunin-  
giop. Yakât otmâ biwiyeņeņe yâkâlen kepeim  
tem lâuwannomai. Tem lâuwannomai manņetâ  
lohimbi belâņgen mansaiņe yekmâ Anitâ ewe

katmâ mepaenomai. Yakât otmâ kâwâ konda ki otñet. Yawu otmain sâm haonmâ ârândâñ biwiyenje galemahom manñet. Yâhâ lok âlâ me âlâñe kâwâ konda otmai yan yenje hâkyenje mem bâleakmai. Yâhâ orotmeme bâlenje nombotñe âlâ otmai yanje hâkyenje ki mem bâleakmai.

## 7

### *Lohimbi miakmâ mansai yakât den*

<sup>1</sup> Otmu yenje manman girawu mannom sâm yakât âinohom pepa kulemgum katnihinjetâ ekban. Yakât yuwu sâmune nângâñet. Lok âlâ me âlâñe imbi barak manmâ Kiristohâlen biwiyenjanje kepeim yâkât tem lâuwanjimainje imbi ki menom sânomai yanje ârândâñ otbuap.

<sup>2</sup> Yawu gârâmâ yengât kapilipyenje kinjitñe orowâkñe imbi yekñâlem otmâ tâpikgum mansai. Yakât otmâ yen lohimbinje miakmâ biwiyenje hikuakmâ konohân manñetâ ârândâñ otbuap.

<sup>3-4</sup> Otmu Anitâñe lokñe imbinje miakmâ mandomawot sâop. Yakât otmâ imbinjanje lokñahât pat mansap. Otmu lokñenje gurâ imbinjahât pat mansap. Yakât otmâ hâkyetñe ki alirakdomawot.

<sup>5</sup> Yawu gârâmâ lokñenje me imbinjanje Anitâ ulitgumu sâp kâlep otbuap yakât hewewen otbe sâm yan anjoân den alahuromawot. Den alahumutâ biwiyetñe hikuakmâ konohâk otmu yan hâkyetñe alirakdomawot yanje ki bâlewuap. Yâhâ ulitguromawot yakât kakñan Manman bâlenjahât Amboñe Satan yâkñe kâityotgomu lohotñe otmâ tâpikgumawotgât âlâkuâk menduhuakmâ mandomawot.

<sup>6</sup> Yâhâ lok âlâ me âlâñe imbi barak manbom sâmu ârândân otbuap yawu yan. Yawu gârâmâ yeñe yawu manñetgâlâk ki yan. Nine biwinan tap ya ekyongoan.

<sup>7</sup> Yakât ninan hâum sâmune nâñgâñet. Nâmâ imbi barak manmâ hâkne tihitñe otmâ biwine galemahom mansan. Yakât otmâ imbi ki miai yañe nâñe mansan yuwu manñetgât nanñan. Yawu gârâmâ nenñe Anitâhâlen biwinenñane kepeim manmunñe ikñak dopnenñan mâmânñe otningimu manman ikñiâk ikñiâk manmain. Yawu otmâ mâmânñe otnihimu imbi barak manmâ gan. Gârâmâ lohimbi nombotñe âlâmâ manmanyenñe âlâ manmai yamâ Anitânñe dopyenñan mâmânñe otyiñgimu manmai.

<sup>8</sup> Otmu lohimbi sihan me kambut mansai yengât yuwu sâmune nâñgâñet. Nâñe imbi barak mansan yakât dopñeâk yeñe lok me imbi barak mannomai yamâ ârândân otbuap.

<sup>9</sup> Yawu gârâmâ lohimbi nombotñane hâkyenñe tihitñe otnomaihât dop ki tap. Yañe lok me imbi ekñâleangim otmâ tâpikgumaihât âlepñe miakmâ mannomai.

<sup>10-11</sup> Otmu lokñe imbiñe miakmâ biwiyenñe Kiris-tohâlen kepeim mansai ya yengât Kutdânenñane sâop ya ekyongomune nâñgâñet. Yeñe ki pilaknomai. Yawu gârâmâ lok âlâ me âlâñe imbilipyenñe pilâyeknomai otmuâmâ imbi yañe lok ondop yengâlen ari ki kinnomai. Gâmâlâk loklipyenñe yengât tepyenñe huruñ sâmu kaok nâñgânomai yanâmâ âlâkuâk miakmâ mannomai.

<sup>12</sup> Otmu lohimbi nombotñane emelâk Kiristohât den pat ki nâñgâwi yan miakbi ya yengât nine

biwinambâ teteap ya ekyongowe. Lok âlâ me âlâne Kiristohâlen biwiyeŋaŋe kepeim manmai ya yeŋgât imbilipyenŋe Kiristohâlen biwiyeŋe ki kepeim manmai. Yawu gârâmâ imbilipyenŋe loklipyenŋe orowâk manne sânomai yamâ ki watye-knomai.

<sup>13</sup> Otmu imbilipyenŋe gurâ yawuâk. Imbi âlâ me âlâne Kiristohâlen biwiyeŋaŋe kepeim manmai ya yeŋgât loklipyenŋe Kiristohâlen biwiyeŋe ki kepeim manmai. Yawu gârâmâ loklipyenŋe orowâk manne sânomai yamâ ki pilâyekmâ âlâengen ari mannomai.

<sup>14</sup> Lohimbi yaŋe ki pilakmâ mansawot yakât Anitâne nan baralipyetŋe orowâk nâŋgâyŋimap. Yawu gârâmâ ki nâŋgâyŋimap mâne nan baralipyetŋe betyongombâp.

<sup>15</sup> Yâhâ lohimbi Kiristohâlen biwiyeŋaŋe kepeim mansaiŋe loklipyenŋe me imbilipyenŋe Kiristohâlen biwiyeŋe ki kepeim mansai yâk orop kaok oraŋiŋetgât Anitâne sâm yŋgiop. Yakât otmâ lohimbi Kiristohâlen biwiyeŋaŋe ki kepeim manmaiŋe loklipyenŋe me imbilipyenŋe pilâyekmâ âlâengen arine sâm otnomai yanâmâ ki alityeknomai. Yawu otnomai yamâ ârândân otbuap. Pilakdomawot yakât tosa yamâ lohimbi Kiristohâlen biwiyeŋaŋe kepeim manmai ya yeŋgâlen ki tatbuap.

<sup>16</sup> Yawu gârâmâ ki pilakdomawot otmuâmâ orowâk manmâ lohimbi Kiristohâlen biwiyeŋaŋe kepeim manmaiŋe tem lâuwaŋgim loklipyenŋe me imbilipyenŋe Kiristohâlen biwiyeŋaŋe kepeŋetgât lohotŋan otyŋginomai. Yawu manŋetâ manmanyenŋe ya ekmâ Kiristohâlen biwiyeŋaŋe

kepeinomaihât mâtâp ki maŋguyiŋginomai.

*Anitâŋe menenekmu âi girawu mewin ya yawuâk memyâhânom.*

17 Yâhâ den sâm aran yukât topŋe nâŋgâŋetâ keterahâkgât Kiristohât lohimbi komotŋe komotŋe den kâsikum yiŋgim mansan yakât sâmune nâŋgâŋet. Manman amboŋe Anitâŋe manmannenŋe ikŋiâk ikŋiâk katningimu manmâ gain. Yawu gârâmâ yeŋe Kiristohât den pat âlepŋe nâŋgâŋetâ bulâŋe otmu biwiyenŋe yâkâlen katŋetâ Anitâŋe meyhöp. Yakât otmâ meyhöp sâp yan âi girawuya mewi ya yawuâk mem mannomai.

18 Yakât topŋe teteâkgât den âlâen hâum yuwu sâwe. Anitâŋe nen Yura lohimbi manman âlepŋahât pat kuningiop. Yakât dop yamâ hâknenŋe torehenŋan undip tuhuangim gamain. Yâhâ nengâlen gâtŋe âlâ me âlâ Kiristohâlen biwinenŋaŋe kepeim mansainŋe hâknenŋe torehenŋan undip tap yakât nâŋgâm topnenŋe ki kurihinom. Yawu gârâmâ yen pâku lohimbiŋe biwiyenŋe Kiristohâlen katmâ mansainŋe hâkyenŋe torehenŋan undip ki tuhuanginomai.

19 Yâhâ hâknenŋe torehenŋan undip tuhuangimain me ki tuhuangimain yamâ bulâŋe bia. Yamâ orotmeme tâŋât. Yâhâ Anitâhât nâŋgân nâŋgân watmâ tem lâuwanŋim mansain yanŋe bulâŋe oap.

20 Yakât yâhâpŋe sâmune nâŋgâŋet. Anitâŋe meyekmâ manman kârikŋahât pat kuyiŋgiop sâp yan girawu manbi yawuâk torokatmâ manŋetâ ârândâŋ otbuap.

21-22 Otmu hoŋ bayiŋgimai ya yeŋgât yuwu sâmunne nâŋgâŋet. Lok Kutdâ âlâ me âlâŋe hoŋ baningiŋet sâŋ meyekŋetâ mansai. Yawu gârâmâ Kiristoŋe manman bâleŋahât paŋgoŋâmbâ holaŋyekmu yâkâlen yeŋe biwiyeŋe kepeŋetâ Anitâŋe meyekmu biwi sânduhân mansai. Yakât otmâ lok kutdâlipyenye yeŋgât amutgen manmâ hoŋ bayiŋgim mansai yakât ki gorâyŋgiâk. Yâhâ lok kutdâlipyenye hâŋgânyongonomai yanâmâ wosaken me wosaken arine sâŋ otnomai yaken arinomai. Otmu Kutdâ hoŋ bawaŋgim gai yawuâk hoŋ bawaŋgim mannomai.

Yawu gârâmâ lok âlâ me âlâŋe lok kutdâhât amutgen ki mansai yeŋgârâmâ yuwu sâmunne nâŋgâŋet. Yeŋeâmâ Kiristohâlen biwiyeŋe katŋetâ Anitâŋe meye hop. Yakât otmâ Kiristo amutgen manmâ hoŋ bawaŋginomai yakât Anitâŋe sâŋ yiŋgiop.

<sup>23</sup> Kutdânenny Kiristoŋe kawenenny kinmu kuŋetâ muop yan Anitâŋe manman bâleŋahât paŋgoŋâmbâ holaŋnenekmâ manman kârikŋan mannomgât pat kuningiop. Yakât otmâ lok âlâ me âlâŋe biwiyeŋan kioŋmâ mem gulip tuhuyekmai hât Kiristohât tem lâuwangim manmâ biwiyeŋe galemahom mannomai.

<sup>24</sup> Anitâŋe meye hop yan manman girawuya manbi yawuâk torokatmâ yâk orop biwiyeŋe hikuakmâ konohâk otmu mannomai. Yawu.

### *Lohimbi sihan ya yeŋgât den sâop*

<sup>25</sup> Yâhâ lohimbi sihan yeŋgât âinohowi yakât yuwu sâmunne nâŋgâŋet. Yâhâ den sâwe sâŋ oan yu Kutdânenny ki eknohop. Yawu gârâmâ

Kiristone yâkât den pat kâsikum yingiwomgât tepne nângânihim âi sâm nihio. Ya biwinaŋe tiŋâk kepeim manbehât mâmâŋe otnihim gamap. Yawuhât otmâ den yuwu sâmune nângâŋet.

<sup>26-27</sup> Umatŋe topŋe topŋe kaknenŋan yâhâwuap. Yakât nângâm sihan mansaiŋe yawuâk torokatmâ mannomai yamâ âilonŋo. Yâhâ lok imbilipyene orowâk mansaiŋe imbilipyene ki pilâyeknomai.

<sup>28</sup> Otmu sihan mansai yaŋe miaknomai yan tosa ki menomai. Yawu gârâmâ lohimbi miakmâ mannomai ya yeŋgât kakyeŋan umatŋe âlâlâ yâhâwuap. Umatŋe âlâlâ yawuya kakyeŋan yâhâmapgât otmâ den yu ekyongoan.

<sup>29</sup> Bukulipne, den ekyongoan yukât topŋe yuwu sâmune nângâŋet. Kutdâneneŋe âwurem gewuap yakât sâp utâpguap. Yakât otmâ sâp yupâek lok imbilipyene orop mansaiŋe umatŋe topŋe topŋe kakyeŋan yâhâwuap yakât ki gorâyingingiwuap.

<sup>30</sup> Otmu weyene nângâm isenomaiŋe sâp utâpguap yakât nângâm ki isem we bâle pato otnomai. Otmu tepyene herone otbuapŋeâmâ herone kakŋanâk manmâ yâhânehât ki nângânomai. Otmu senŋe âlâlâ puluhum ambokunomaiŋe ya ekŋâlem yeŋanâk talâkgât biwiyene ki kinbuap.

<sup>31</sup> Yâhâ hânân senŋe âlâlâ mem mansain yu kerek gulip otbuapgât Anitâŋe sâm kalop. Yakât otmâ lohimbiŋe senŋe âlâlâ puluhum anŋi guŋgi otmai yaŋe manman yawuâk torokatmâ mannomaihât biwiyene ki hikunomai.

<sup>32</sup> Yeŋe manman sânduhân manmâ yâhânomai yakât ki gorâyingingiâkgât nanŋan. Yâhâ lok sihan me



lok tat tatŋe yamâ Anitâŋe yekmu ârândânŋ olâkgât yâkâlen biwiyenŋe hikum tem lâuwaŋgimai.

<sup>33</sup> Yâhâ lok imbi naomlipyenŋe orowâk mansaiŋe umatŋe teteyiŋgimu hâhiwin kakŋan manmai-hât gorâyŋgimap. Me imbilipyenŋe heronŋe otyiŋgiŋetgât yâk yengât nâŋgâm ketet otmai.

<sup>34</sup> Imbi naomlipyenŋe yengâlen biwiyenŋe tatmap yan Kutdâhâlen biwiyenŋe tiŋâk kepeim tem lâuwaŋginomaihât biwi yâhâp otmai. Otmu imbi sihan me imbi tat tatŋeâmâ senŋe âlâlâ yene yakâlâk ki nâŋgâmai. Yâkŋeâmâ Anitâŋe nenekmu ârândânŋ olâk sâmbi biwiyenŋe hewewenŋe otmu Kutdâ honŋ bawaŋginehât nâŋgâm manmai. Yâhâ imbi loklipyenŋe orowâk mansaiŋeâmâ loklipyenŋe heronŋe otyiŋgiŋetgât yâk yengât nâŋgâm ketet otmai.

<sup>35</sup> Yene girawu me girawu mannomai yakât undip ki katyiŋgian. Yene umatŋe kakŋan manmai-hât mâtâp yu watmâ mannomaihât ekyongoan. Yenâmâ târârâhâk manmâ Kutdâhât tem lâuwaŋgim biwiyenŋe yâkâlenâk hikum mannomaihât nanŋan. Yawu manmâ biwi yâhâp ki otnomai yamâ ârândânŋ otbuap.

<sup>36</sup> Otmu imbi sihan lok memehât dop oap yakât âinohowi yakât yuwu sâmune nâŋgâŋet. Imbi yamâ hâkŋe katahemu lok nombotŋenŋe ketetmai sâmbi âwâŋenŋe ikŋe engatŋeâk lok katbaŋgiwe sâmbi otmâ mansap yakât nâŋgâmunne ârândânŋ oap. Otmu lok yanŋe baratŋe ya membuap yamâ ki bâlewuap.

<sup>37</sup> Otmu âwâŋenŋe baratne alitbom sâmbi biwiŋenŋe nâŋgâmu ârândânŋ otbuap ya gurâ ki bâlewuap.

<sup>38</sup> Yakât otmâ yuwu sâwe. Lok yanŋe baratŋe lok katbaŋgiwuap yamâ ki bâlewuap. Yâhâ baratŋe

alitbuap otmuâmâ yakât gurâ nângâmune âilonḡo oap.

<sup>39</sup> Otmu imbi âlânje lokḡe pilâm lok ondowângen ariwe sâm oap yakât âinohowi yakât yuwu sâmune nângânet. Lokḡe tap yakât otmâ pilâm lok âlâ membuapgât dop âlâ ki tap. Yâhâ hâmbâi lokḡaḡe mumbuap yakât kakḡan lok âlâ membuap yaḡe ârândânḡ otbuap. Yawu gârâmâ lok nombotḡaḡe Kiristohâlen biwiyenḡaḡe kepeim mansai ya yengâlen gâtḡe membuap.

<sup>40</sup> Yâhâ biwinanḡe yuwu nanḡan. Imbi kam-but âlâ me âlânje lok barak mannomai yaḡe heronḡe nângâm Kutdâhât tem lâuwangim mannomai. Otmu den ekyongoan yu Anitâhât Wâtḡât mâmâḡahât Heakḡe biwinan katmu ekyongoan. Yawu.

## 8

### *Porom Lâpio mepaem sot gotyenḡan katminiwi.*

<sup>1</sup> Otmu lohimbi nombotḡaḡe Kiristohât den pat âlepḡe nângânetâ gemu bet pilâm Porom Lâpio mepaem sot gotyenḡan katmâ mansai. Yamâ yâk orowâk menduhuakmâ sot yakât torehenḡe nenetâ bâlewuap me bia yakât âinohowi yakât yuwu sâmune nângânet. Bulânânâk nângân nângânyenḡe pâronḡ sâmu Porom Lâpiohât nângânetâ tâḡât otmu biwiyenḡe Kiristohâlen katbi. Yakât otmâ lohim-biḡe Porom Lâpio mepaem sot gotyenḡan katmai yakât torehenḡe yenḡe nenetâ ki bâlewuap yakât topḡe nângâm hengenḡuai. Yawu gârâmâ yengâlen gâtḡe nombotḡaḡe Porom Lâpio yakât topḡe emelâk nângâwin sâmainḡe hâkyenḡe mepaemai. Hâkyenḡe mepaem bukulipyenḡaḡe Porom

Lâpiohât nângâm biwi yâhâp otmai ya yengât ki nângâmai. Yâhâ nombotnje âlâneâmâ bukulipyenje yengât biwiyenje gemap sârn nângâyîngim lohotjan otyîngimai.

<sup>2</sup> Lok âlâ me âlâne Anitâhât biwiñan nângân nângân tatmap yakât topñambâek nângânomaihât dop âlâ ki tap. Yakât otmâ yu yakât topñambâek nangain sârn imbiâk sârn.

<sup>3</sup> Yawu gârâmâ lok âlâ me âlâne Anitâhâlen biwiyenje kepeimai yâhâmâ nângâyîngimap.

<sup>4-5</sup> Yâhâ bukulipyenje Porom Lâpio mepaem sot gotyenjan katmai yakât torehenje yenjak nemai yakât yuwu sârnune nângânet. Pâku lohimbîne nak me kât tâñât me himbimân gâtne me hânân gâtne wuân me wuângât towatne hâwim kânângâm “kutdânenne, kutdânenne” sârn ulitgunetâ ki nângâyîngimap. Nenneâmâ Porom Lâpiohât nângâmunne tâñât otmu Anitâ konok “Awoñnenne,” sârn mepaemain.

<sup>6</sup> Kutdânenne Kiristone awoñnenne Anitâhâlen kândiwahom âliwahap topne topne katmâ meteop. Yakât otmâ Kiristohâlenâk biwinenje kepeim wâtjan kinmâ Anitâhât tem lâuwangim manmâ yâhânorn.

<sup>7</sup> Yawu gârâmâ Porom Lâpiohât den yan yukât topne bukulipyenje nombotñane ki nângâm hengenñuai. Emelâk Porom Lâpio mepaem sot gotyenjan katminiwi yakât nângâm manmai. Yakât otmâ sâp yiwerenje yuâmâ pâku lohimbîne Porom Lâpio mepaem sot gotyenjan katmai yakât torehenje nene sârn biwi yâhâp otmai. Biwi yâhâp otmâ neñetâ yane biwiyenje mem gulip tuhumap.

<sup>8</sup> Bulânjanâk Porom Lâpio mepaem sot gotyenjan katmai yakât torehenje nenom me ki nenom yakât Anitâje nângâmu tânjât otmap. Yakât otmâ Anitâje nenekmu bâlemap sâmi ki nemain yamâ imbiâk otmain. Me Anitâje nenekmu ârândâj olâk sâmi nemain ya gurâ yawuâk imbiâk otmain.

<sup>9</sup> Yeje Porom Lâpiohât topje nângâm hengenjuai. Yawu gârâmâ bukulipyenaje yekmâ biwi yâhâp otmâ tosa memai sâmi Porom Lâpiohât sot torehenje ya ki nenomai.

<sup>10</sup> Yakât yuwu sâmune nângânet. Yeje nângân nângânyenje pâronj sâmu Porom Lâpiohât nângânetâ tânjât otmap. Yawu gârâmâ yengâlen gâtje âlâ me âlâje pâku lohimbij yengât opon kâmbukjan yâhâ orowâk tatmâ sot nenomai. Orowâk tatmâ sot nejetâ yan bukulipyenje âlâ me âlâje yekmâ “Porom Lâpiohât sot torehenje nejetâ ki bâleap,” sâmi biwi yâhâp otmâ yengâlen torokatjetâ orowâk nenomai.

<sup>11</sup> Yawu otmâ manjetâ biwiyenje orotok sâmu Kiristo betgum tosa mem yanjak hiliwahonomai. Yakât otmâ yuwu sâmune nângânet. Kiristone yen otmu bukulipyenje yengât tosehât otmâ muop. Yawu gârâmâ yeje Porom Lâpiohât sot torehenje nejetâ yekmâ bukulipyenaje biwi yâhâp kakjan nem hiliwahonomai.

<sup>12</sup> Yawu gârâmâ hiliwahonomai yakât matje yeje tosa pato menomai.

<sup>13</sup> Yakât otmâ biwinaje yawu nângâman. Bukulipne nombotnaje Porom Lâpiohât nângâm biwi yâhâp otmâ manmai. Yakât otmâ pâku lohimbij Porom Lâpio mepaem sot gotyenjan katmai ya yengât senyenjan nemune nekmâ

yawuâk nem yan tosa memai sâm ya ki nembom.

## 9

### *Pauloŋe aposolo âi yuwu mem manminiop.*

<sup>1</sup> Yawu gârâmâ nâŋe yu me ya otmangât lok âlâ me âlâŋe kunihinomaihât dop âlâ ki tap. Yesu Kutdânenŋaŋe mâtâwân tetenihim aposolo nep sâm nihiop. Yakât otmâ yâkât sâtgât otmâ den pat âlepŋe ekyongomune nâŋgâŋetâ bulâŋe otmu yâkâlen biwiyenŋaŋe kepeim manmâ gai.

<sup>2</sup> Yâhâ nâŋe aposolo nep mem mansangât bulâŋe yamâ yeŋe orotmeme bâleŋe betbaŋgim Kutdânenŋe Kiristo tem lâuwaŋgim gai. Yawu gârâmâ lohimbi nombotŋaŋe nâhât nâŋgâŋetâ gemap. Yâhâ yenâmâ nâhât ki nâŋgâŋetâ gemap.

<sup>3</sup> Gârâmâ lok yaŋe nâŋgâm bâlenihim sâm ge kat-nekmai sâp yan den matŋe yuwu sâman.

<sup>4</sup> Nâŋe yen Kiristohât komot mansai yengâlen ari den kâsikum yingim mansan. Yakât matŋe yeŋe sot me âlâlâ tânnohoŋet sâmbâmngât dop tap yamâ ki sâman.

<sup>5-6</sup> Yesu imilipŋe, Petoŋe, otmu aposolo lok nombotŋe, yâhâmâ imbi orowâk ari Kiristohât komot kapiŋe kapiŋe manmâ arai ya yengâlen nep tuhumai. Nep tuhumai yakât matŋe sot me âlâlâ tânyongomai. Yawu gârâmâ yengâlen gâtŋe nombotŋaŋe Banawa orop netgât “ki tânyotgomunŋe yetŋak kapi ambolipŋe yengâlen ari âi tuhumutâ hâmeŋe yitginomai” sâŋetâ ki ârândâŋ oap. Yâhâ nâŋe imbi memune orowâk mansait mâne tânnotgombâihât dop tap.

<sup>7</sup> Yakât topņe nâņgâņetâ keterahâkgât den âlâen hâum yuwu sâmunen nâņgâņet. Hep bero yaņeâmâ gawaman yengât nep tuhumai yan yeņe tewetsenņane sotyene me kapamgât senņe âlâlâ ki pulhumai. Otmu kalam ambonaņe yeņe kalamân gâtņe mem nem manmai. Otmu noniņ bulimakao ambolipņane yeņahâk gâim um nemai.

<sup>8-9</sup> Den ekyongoan yu lokgât nâņgân nâņgân ki watmâ yan. Emelâk Anitâņe Mose girem den âlâ ekumu kulemguop ya yuwu tap.

“Bulimakaone nep tuhuyiņgimu yan bulâņe nemap sâm lauņe ki sâhâm maņgunomai.”  
Yawu tap.

Girem den yu Anitâņe bulimakaohâlâk nâņgâm ki ekuop.

<sup>10</sup> Nenņe otmunņe bulâņe tetemap yakât nâņgâm bulimakaohâlen hâum sâop. Nenņe bonņe tetemu nenomgât nâņgâm nep kâmetmain. Otmu imbilipnenņane bonņe âlemu orowâk nenomgât hele tuhumai.

<sup>11</sup> Yakât dopņeâk nenņe âi topņe katmâ Anitâhât den ekyongowin. Ekyongomunņe nâņgâņetâ bonņe otmu yaņak manman kârikņahât pat kuyiņgimu mansai. Yawu gârâmâ yakât matņe sot me âlâlâ tânnongombâihât dop.

<sup>12</sup> Yâhâ lok nombotņane belângen taka den kâsikum yingimai yâhâmâ tânyongomai. Yamâ benņe aņgoân nenņe Kiristohât den pat âlepņe ekyongomunņe nâņgâwihât yeņe lok belângen tohoņetâ tânyongomai wangim tânnongombâihât dop.

Yawu gârâmâ Kiristohât den pat âlepņe ekyongomunņe nâņgâwi. Sâp yan nenņe tewetsenņahâlâk nâņgâm den ekyongowin yawu

nângâmihât sot me âlâlâ ya tânnongoñet sâmi ki ulityongowin. Yawu otmâ manman kârikñahât mâtâwân undip katyĩngimain sâmi hâhiwin kakñan manmâ gamain.

13 Yâhâ den ekyongoan yukât topñe nângâm heñgeñgunetgât nen Yura lohimbiñe Anitâhât hotom uwañgim mepaenehât orotmemenenñe ningiop yan hâum yuwu sâwe. Yakât emelâk nângâmai. Nen Yura lohimbiñe nengât kalamân gâtñe mem Anitâhât pat sâmi opon kâmbukñan yâhâ katmain. Yakât torehenñe Lewihât komolân gâtñe Anitâhât hoñ bawañgimainñe miakmai. Otmu noniñ bulimakao gâim Anitâhât hotom umainñe yakât torehenñe ya gurâ nemaiâk.

14 Yakât dopñeâk nenñe Kiristo Kutdânenñe hoñ bawañgim komolipñe den kâsikum yĩngimunñe benñe yâku sot me âlâlâ tânnongonomai sâmi kalop.

15 Yawu gârâmâ yeñe mâtâp ya watmâ tânnohoñet sâmi ki kendâyĩngim gaman. Otmu pepa kulemgum katyĩngian yu gurâ sâlikum ekmâ tatñetâ yeñgâlen takamune yan tânnohonomaihât ki katyĩngian. Nâñe hâmeñe barak hoñ bayĩngim gaman. Otmu yawuâk hoñ bayĩngim yâhâwom. Yawu otmâ manbom yanâmâ lok âlâ me âlâñe nângâm bâlenihim nâhâitñe “Tewetsenñahâlâk nângâm âi memap,” sâmi añun nihinomaihât dop ki otbuap. Yâhâ den yan yu nângâm nâhâitñe “Imbiâk sâmap” sâmihât yeñe sot me âlâlâ ki tânnohoñetâ manmâ mumbomgât ki gorânihimap.

16 Nâmâ Kiristohât den pat âlepñe yu kâsikum yĩngiwomgât sâmi nihiop. Yakât otmâ âi yu pilâwan mâne umatñe topñe topñe tetenihimbâp. Yamâ

benje ikne sâtgât otmâ nep mem gan yukât nângâm nine hâkne mepaewomgât dop ki tap.

<sup>17</sup> Yâhâ nine engatneâk watmâ nep yu meman mâne yeje sot me âlâlâ tânnohojet sâm ekyongombâm. Yawu gârâmâ Anitâje âi yu tuhuwehât menenehop. Yakât otmâ tem lâuwangim manmâ gan. Yawu gârâmâ yeje sot me âlâlâ tânnohojet sâm ulityongomune bâlewuap.

<sup>18</sup> Yawu gârâmâ hâmeje wuân membom yakât yuwu sâmunne nângâjet. Nâje Kiristohât den pat âlepje yu pâku lohimbi kâsikum yingimune nângâmbiwiyeje yâkâlen kepeim mansai. Yakât matje yu ya tânnohojet sâm ki ulityongoman. Ya yengât nângâmune tepne herone otmap yamâ nâhât hâmenjahât dop oap.

<sup>19</sup> Yâhâ lok âlâ me âlâhât sâtgât âi ki meman. Me yuwu yawu ki sânetâ tem lâuyingiman. Yawu gârâmâ lohimbi topje topje kingitje orowâkne Kiristohâlen biwiyeje katjetgât yuwu hon bayingiman.

<sup>20</sup> Emelâk Mose otmu Yura lohimbi nengât papatolipnennaje girem den topje topje kulemguwi yakât ki nângâm manman. Yawu gârâmâ kapilipnaje Kiristohât den pat âlepje nângâjetâ gemu bet pilâm papatolipyene yengât girem den yakâlâk nângâm mansai. Yâhâ ya yengât nângân nângânyeje pâron sâmu yâkâlen biwiyeje katjetgât nâje girem den âlâlâ ya otmu orotmemeyene âlâlâ mem mansai yakât dopneâk mem mansan. Yâhâ yâkne nângâm bâlenihim yan Kiristohât den pat yawuâk nângâjetâ gemu betpilâmaihât yâk orowâk lohotjan manmâ orotmemeyene watman.



21 Yâhâ Mose otmu papatolipyenaje girem den âlâlâ kulemgui yakât topñahât yen pâku lohimbijne pâpgumai. Yakât otmâ yen orowâk manmâ yan yengât orotmeme âlepñe mem mansai ya yawuâk mem manmâ Yura yengât girem dengât ki nângâmâk mansan. Yen gurâ nângâm bâlenihim yan Kiristohât den pat yawuâk nângâñetâ gemu betpilâmaihât yen orowâk lohotñan manmâ orotmemeyen watman. Yawu manmâ yan Anitâhât tem lâuwangim Kiristone den eknongop ya tâñ tâñâk watman.

22 Yâhâ pâku lohimbijne Porom Lâpio betbangim biwiyen Kiristohâlen katbi. Ya yengât bukulipyen nombotñane Porom Lâpio mepaem sot gotyen katmai yakât torehenñe nene sâm otmâ biwi yâhâp otmai. Yawu otmâ sot ya ihilâk neñetâ yane biwiyen mem gulip tuhumap. Yawu otmu Kiristo betgumai sâm ya yengât dop manmâ sot ya ki neman. Yâhâ lohimbijne orowâkñe Kiristohâlen biwiyen katñetâ tosayen pilâyinñiâkgât nâñe lok topñe topñe mansai yengâlen ari yene orotmemeyen mem manmai yawuâk mem manman.

23 Otmu Kiristohâlen biwiyen kepeñetâ manman kârikñahât pat kuningiop yakât bulâñe orowâk menomgât nângâm lohotñan manman.

24 Otmu nenñe manman kârikñahât bulâñe menomgât nângâm manmannenñe girawu manmunñe ârândân otbuap? Yakât topñe nângâñetâ keterahâkgât orotmemenenñe âlâen hâum yuwu sâmune nângâñet. Senñe âlâlâ âilongo katñetâ tatbuap ya mene sâm lok kinñitñe

orowâkņe sururuk sâmai. Yawu gârâmâ lok konokņe kârikņe otmâ senņan ariwuap yaņe miakbuap. Yâhâ ya membe sâm biwiņaņe yakâlâk nâņgâm ariwuap. Yakât dopņeâk nenņe manman kârikņahât bulâņe mene sâm yakâlâk nâņgâm mannom.

<sup>25</sup> Yakât torokatmâ sâwe. Senņe âlâlâ âilonņo ya mene sâm sururuk sânomaihât sâp katmai yakât nâņgâm inânņan dop miakmâ yâhâmai. Yâhâ hâmbâi senņan ariwuapņe senņe âlâlâ âilonņo membuap yamâ gulip otbuap, me tâtuk sâwuap. Yawu gârâmâ manman kârikņahât bulâņe menom yamâ tat tat kârikņe tatmâ yâhâmbisâp.

<sup>26-27</sup> Yakât otmâ bulâņe ya membe sâm nâņe manman kârikņahât topņe lohimbi kiņgitņe orowâk kâsikum yingim gan. Yawu gârâmâ otmâ tâpikgumune Anitâņe nekmu bâlemap sâm mâtâp katnihiop yu tâņ tâņâk watmâ manmanne galemahoman.

## 10

*Emelâk Isirae lohimbiję otņetâ bâleminiop yawu ki otnom.*

<sup>1</sup> Bukulipne, yeņe mâtâp yu tâņ tâņâk watmâ mannomaihât yuwu sâmune nâņgâņet. Emelâk tâmbâlipnenņaņe Aihita hân pilâm takawi. Sâp yan Moseņe galemyongom dâiyekmu saru gulunņehen takawi. Takaņetâ Aihita yeņgât hep berolipyeņaņe watyekmâ yongomaihât Anitâņe sâmu kulewoņboņ âlâņe tetem ge kâtâpyongop. Kâtâpyongomu yan saru hâreakmâ nombot nombot otmu lohimbi kerekņe hân kakņan liņmâ nombot ariwi.

<sup>2</sup> Yâhâ nenŋe Kiristohâlen biwinnenŋe katbin yan toen katnenekbi yakât dopŋeâk tâmbâlipnenŋaŋe Anitâhâlen biwiyenŋe katbi. Anitâhâlen biwiyenŋe katŋetâ Mosenŋe dâiyekmu kulewoŋboŋe kâtâpyongomu saru hâreakmu nombot nombot otmu hân kakŋambâ nombot ariwi.

<sup>3</sup> Yâhâ nenŋe Kutdâhât tem lâuwaŋgim sâp sâsâŋan nâŋgâwaŋgim natik nemain yakât dopŋeâk Anitâhât tem lâuwaŋgim sâp sâsâŋan sot âlâ, kutŋe mana sâm, ya himbimâmbâ gemu neminiwi.

<sup>4</sup> Otmu Kutdânenŋe Kiristohât nâŋgâm wain to nemain yakât dopŋeâk emelâk Anitâŋe sâmu kât âlâ bâok sâm yapâ to senŋe hindakmâ gemu tâmbâlipnenŋaŋe newi. Yâhâ sâp yan Kiristo ikŋak tihityenŋe otmu lok ki manmaiângen ari manbi.

<sup>5</sup> Yawu gârâmâ lok ki manmaiângen ari manbi yan Anitâhât den kuwi. Yakât otmâ Anitâŋe lohimi kiŋgitŋe orowâk hilipyongop.

<sup>6-7</sup> Anitâhât den kum bulimakao umutŋe tuhum kânâŋgâŋetâ kinmu mepaem orotmeme bâlenŋe topŋe topŋe otbi. Yakât matŋe hilipyongomu muwi. Yakât nâŋgâm nengu Anitâŋe yawuâk hilipnongomap sâm otbi yawu ki otnom. Yâhâ Mose imiŋaŋe Anitâhât hotom uwaŋginom sâop. Yawu gârâmâ emet haŋ sâmu bulimakao umutŋe yakât hotom uwaŋgim orotmeme bâlenŋe otmâ mepaewi. Yakât Mosenŋe den kulemguoŋp ya yuwu tap.

“Lohimbi yuŋe noniŋ bulimakao gâim hotom uwaŋgiwi yakât torehenŋe nem heronŋe otbi. Heronŋe otmâ kâwâ konda dondâ otŋetâ bâleop.” Yawu tap.

<sup>8</sup> Otmu yakât kakŋan yâk yenŋâlen gâtŋe

lok kiŋgitŋe orowâkŋe kasalipyenŋe yengât baralipyenŋe orop kâwâ konda otbi. Yakât otmâ Anitâŋe matŋe yingimu lok 23,000 ya hilâm konohânâk muwi. Yakât nâŋgâm nenŋe otbi yawu ki otnom.

<sup>9</sup> Otmu yakât kakŋan po yingimu Anitâhât sâmu guhuŋbi. Yawu otbi yakât matŋe Anitâŋe sâmu hambe sâtŋe bâlenŋe yingimu muwi. Yakât otmâ umatŋe teteningimu Anitâhât ki sâmu guhuŋnom.

<sup>10</sup> Otmu sâp âlâen Mose yet Aron yetgât sâmu bâleyitgiwi yan yakât matŋe Anitâŋe aŋelo âlâ hâŋgângumu ge lohimbi kiŋgitŋe orowâk hilipyon-gop. Yakât nâŋgâm yenŋe otbi yawu ki otnomai.

<sup>11</sup> Tâmbâlipnenŋe orotmeme bâlenŋe topŋe topŋe otŋetâ Anitâŋe sâmu umatŋe topŋe topŋe teteyiŋgiop yakât den pat Mosenŋe kulemguop. Yakât otmâ nenŋe den pat ya nâŋgâm biwinenŋan katmâ umatŋe yawuâk teteningimap sâmu Anitâhât tem lâuwanŋim mannom. Otmu sâp pato utâpguap yakât otmâ den yu nâŋgâm mannom.

<sup>12</sup> Yenŋe Kiristohât mâtâp tâŋ tâŋâk watmunŋe Anitâŋe nenekmu ârândâŋ otmap sâmaiŋe mâtâp ya pilâm mâtâp bâlenŋan kionmaiŋe biwiyenŋe galemahom manŋetgât nanŋan.

<sup>13</sup> Umatŋe âlâlâ teteyiŋgimu mansai yamâ lok ârândâŋ yawuâk teteningimap. Otmu umatŋe topŋe topŋe teteyiŋgiwuap yan lohotŋe otmai sâmu Anitâŋe bulâŋanâk mâmâŋe otyiŋgiwuap. Mâmâŋe otyiŋgmu yâkât wâtŋan kinmâ manman âlepŋan mannomaiŋe mâtâp tetewuap.

*Kiristo konok mepaenom.*

14 Bukulipne, yakât topņe yuwu sâmunenângâņet. Pâku lohimbiņe Porom Lâpiohât opon kâmbukņan yâhâ sot nene sâņetâ yâk orop ki yâhâ sot nenomai.

15 Yenâmâ yukât topņahât ki pâpġuai. Yakât otmâ den ekyongoan yu nâņġâņetâ ârândâņ oap me bia?

16 Kiristoņe kawenennan kinmu kuņetâ hepņe gemu muop. Yakât otmâ ya dop kum wain to gaimunņe hâhâwân gemu yapâ lau konok nem Anitâ mepaemain. Yawu otmâ Kiristo orop biwinenņane hikuakmâ konohâk otmu mansain yakât dop kum wain to ya nemain. Otmu Kiristo howanân kinmâ sâtġum muop yakât dop kum baņa mem motokmâ aņġim nemain.

17 Yâhâ menduhunenekmu biwinenņane yâkâlen kepeim komot konok mansain. Yakât dop kum baņa kândâkdâek mem motokmâ aņġim nemain.

18 Otmu torokatmâ Yura nengât orotmemenenņe âlâen hâum sâmunenângâņet. Yura lohimbiņe tosayeņahât nâņġâm noniņ bulimakao hikum Anitâhât pat sâm opon kâmbukņan yâhâ katmai. Katņetâ tatmu hotom umaiņe ya mem Anitâhât hotom uņetâ semap. Hotom uņetâ semu yakât torehenņe noniņ bulimakao hikumai otmu hotom umai ya orowâk nemai. Nemai yan Anitâ orop biwiyenņane hikuakmâ konohâk otmu nâņġâyîņġimap.

19 Otmu yakât dopņeâk pâku lohimbiņe Porom Lâpio mepaem sot gotyeņan katmâ yakât torehenņe nemai. Yawu ġârâmâ Porom Lâpiohât yawu otmai yamâ bulâņe bia. Yakât otmâ sot gotyeņan katņetâ tatmap yakât nâņġâmune tâņât otmap.

<sup>20</sup> Yawu gârâmâ sot yamâ mem gotyenjan katmai. Den ekyongoan yukât topnje yuwu sâmunenânġânet. Pâku lohimbiġe Porom Lâpio mepaem sot gotyenjan katmai yanâmâ weke bâleġe mepaem sot mem katyiġimai. Yakât otmâ yeġe pâku lohimbi orop sot yakât torehenġe nenomai yan weke bâleġe orop biwiyenġe hikuakmâ konohâk otbuap. Yawu otmaihât sot yakât torehenġe ki nenomaihât nanġan.

<sup>21</sup> Yâhâ Kutdânenġahât sâtġât otmâ wain to otmu natic nemain yan yâk orop biwinenġe hikuakmâ konohâk otmu mepaemain. Yawu gârâmâ pâku lohimbiġe weke bâleġe orop biwiyenġe hikuakmâ konohâk otmu Porom Lâpio mepaem sot gotyenjan katmai yakât torehenġe nemai. Topnje yawuhât yeġe Kiristo otmu weke bâleġe orowâk biwiyenġe hikuakmâ konohâk otmu mepaeyeleknomaihât dop âlâ ki tap.

<sup>22</sup> Ya kâmbukġe. Pilâġetġât nanġan. Yawu gârâmâ sot torehenġe nenomai yakât Kutdânenġe nânġâm bâleyiġiwuap. Yeġe sârereakmâ Kutdânenġe mem ge katnomaihât dop ki tap. Yakât otmâ yeġe pilâġetġât nanġan.

<sup>23</sup> Yeġe yu me ya otġetâ ki bâlemap sâmai. Yamâ benġe yu ya otmai ya kerekġe ki tânyongomu biwi konohâk otmâ manmai.

<sup>24</sup> Yeġe manmanyenġahâlâk ki nânġânomai. Bukulipyenġe manman âilonġoân manġetġât nânġâm tihityeġe otnomai.

<sup>25-26</sup> Yâhâ pâku lohimbiġe Porom Lâpio mepaem sot gotyenjan katmai yakât torehenġe mem ari aġġim bero emetġan katmai. Orotmeme yawu

otmai yakât yuwu sâmunne nângâñet. Lok âlâñe den kulemguop ya yuwu tap.

“Hân Himbim Amboñe yamâ Anitâ. Yakât otmâ wahap topñe topñe tatmâ arap yamâ ikñe pat.”

Den yawu kulemguop. Yakât otmâ anjim bero emetñan yâhâm sot torehenñe ya puluhunomai yanâmâ den ya nângâm sot yakât ki nângâm ketet otmâ puluhunomai.

<sup>27</sup> Me pâku lohimbi âlâ me âlâñe sâñetâ emetyenñan yâhâ tatnomai. Yâhâ tatñetâ sot um yinjinomai yan sot yakât ki nângâm ketet otmâ nenomai.

<sup>28-30</sup> Yawu gârâmâ bukulipyenñe Porom Lâpio betbangim Kiristohâlen biwiyenñe kepeimai. Yawu gârâmâ pâku lohimbiñe Porom Lâpio mepaem sot gotyenñan katmai yakât torehenñe nene sâm biwi yâhâp otmai. Lok ya yengâlebâ gâtñe âlâ me âlâñe yekmâ yuwu mon sânomai. “Bâe, sot yuâmâ Porom Lâpio mepaem gotyenñan katsai yakât torehenñe yukâ. Yawu sâm ekyongonomai. Yakât otmâ bukulipyenñe yengât biwiyenñe bâlemap sâm sot ya ki nenomai. Yawu otnomai yakât otmâ yâkñe yekmâ biwi yâhâp ki otnomai.

Yawu gârâmâ yuwu mon sâm âinohonomai. “Pâku lohimbiñe Porom Lâpio mepaem sot gotyenñan katmai yakât torehenñe nenñe mem nene sâm yan angoân Anitâ mepaenom. Yawu otnom yakât nenñe wongât otmâ bukulipnenñe yengât nângân nângân watmâ sot ya ki nenom? Yâhâ yâkñe nenekmâ nângâm bâleninginomai yamâ ki ârândân otbuap.” Yawu sâm âinohonomai.

31-32 Den ekyongoan yukât topņe yuwu nângânomai. Yeņe wuân me wuân otnomai me nenomai yan Yura lohimbi, me pâku lohimbi, me Kiristohât komolipņe kerekņe Anitâ mepaem heroņe nângâwaņņet sâġ âilonņoâk mannomai. Yawu mannomai yanâmâ manmanyeņe ekņetâ ârândâņ otbuap.

33 Otmu lohimbi kerekņe nekņetâ ârândâņ otmu Kutdâhâlen biwiyeņe katņetâ tosayeņe pilâyiņgiâkgât nângâman. Yawu nângâm ninahât ki nângâman.

## 11

*Korinti yeņgât imbilipyeņeņe somotyeņe katipņeņet sâop.*

<sup>1</sup> Kiristone ikņahât nângâmu gemu lohimbi yeņgât nângâmu yahatmu hoņ bayiņgiminiop yakât dopņeâk otbehât nângâman. Yâhâ yen gurâ yawuâk otmâ manņetgât naņgan.

<sup>2</sup> Yâhâ yeņe mâtâp girawuya watmunņe Anitâņe nenekmu ârândâņ olâk sâġ yakât nângâne sâġ âinohowi. Âinohoņetâ den kâsikum yiņgim gan ya watmâ gai. Yakât nângâmune biwine ârândâņ otmap.

<sup>3</sup> Otmu Anitâ yet Kiristo mepaeyelekne sâġ menduhuakmaiân yan imbilipyeņeņe sâņgumņak somotyeņe katipņeņetâ ârândâņ otmap me bia? yakât âinohowi. Yakât den yuwu sâġ ekyongomune nângâņet. Anitâņe Kiristohât kunņe tatmap. Yâhâ Kiristone nengât kunnenņe tatmu yâkât amutgen manmâ tem lâuwawņimain. Yâhâ lok nenņe gurâ imbilipnenņe yeņgât



kunlipyeŋe manmâ tihityeŋe otmain. Yakât dop kum imbilipyenjaŋe lohimbi senyenjan kinmaiân loklipyeŋe ewe katyekmâ somotyene katipgumai.

<sup>4</sup> Orotmemeyeŋe yawu tapgât lok âlâ me âlâŋe lohimbi senyenjan kinmâ Anitâ mepaemai, me den ekyongomai yan somotyene katipgunjetâ ki ârândân otmap. Yakât yuwu sâwe. Lok yaŋe somotyene katipgumai yan imbilipnennjaŋe lok nengât kunnenne tai yawu otmai. Yawu otmâ Kiristo kunnenne tatmap yâk mem ge katmai.

<sup>5</sup> Yâhâ imbilipyenjaŋe lohimbi senyenjan kinmâ Anitâ mepaemai, me den ekyongomai yan somotyene ki katipgumai yaŋe loklipnennje yengât kunyeŋe tain sâm yakât dop otmâ loklipyeŋe mem ge katyekmâ anjun yingimai. Yawu otmâ mâtâp pato imbiŋe anjuneŋe bia manmai ya yengât dop otmai.

<sup>6</sup> Yakât otmâ yuwu sâmune nângâŋet. Mâtâp pato imbi ihilâk otmai yaŋe anjolakŋet sâm somotyene korotok hâreyingimai. Yâhâ imbilipyenjaŋe somotyene ki katipgum lohimbi senyenjan kinmâ Anitâ mepaemai ya anjolakŋet sâm loklipyenjaŋe somotyene korotok hâreyingimbâihât dop. Yakât otmâ somotyene katipgunjetgât nanjan.

<sup>7-9</sup> Otmu Anitâŋe ikŋe nângân nângân watmâ hânŋe mem lok tuhuop. Yakât otmâ lok nenŋeâmâ Anitâ Kunnenne sâm mepaem somotnennje ki katipgumain. Yâhâ lok tuhuop yakât kakŋan “Âlâŋe lok yu tânguwuap?” nângâm lok yakât gasumŋe tânŋe mem imbi tuhuop. Yakât otmâ imbilipyenjaŋe loklipyeŋe ewe katyekmâ somotyene katipgunjetgât nanjan.

<sup>10</sup> Yawu otnomai yan Anitâhât anjelolipŋe ikŋe

mepaem tatmaine ki nângâm bâleyinginomai.

11-12 Yawu gârâmâ yeŋe imbilipyenye yeŋgât nângânetâ gemapgât yuwu sâmunne nângânet. Bulâŋanâk Anitâŋe loŋgât gasumŋe tânŋe mem imbi tuhuop. Yawu gârâmâ lok nenâmâ meŋlipnenŋe menenekbi. Anitâ Manman amboŋe yâkŋe konok kunneneŋe tatmap. Otmu nenŋe lokŋe imbiŋe miakmâ biwinenŋe hikuakmâ tânahonomgât Kutdânenŋe sâm kalop. Yakât otmâ biwinenŋe hionakmu ikŋiâk ikŋiâk mannomgât dop âlâ ki tap.

13 Den ekyongoan yu nângânetâ ârândâŋ oap me bia? Yakât yuwu sâmunne nângânet. Imbilipyenŋe somotyenŋe ki katipgum lohimbî senyenŋan kinmâ Anitâ mepaemai. Yawu oai yamâ yeŋe orotmeme târârâhâk ki watmai.

14-15 Yeŋe biwiyenŋan tap ya ekmâ nângânet. Imbilipyenŋe yeŋgât ilanyenŋe ya imbi bukulipyenŋe ekŋetâ âilonŋo otmap. Yâhâ loklipyenŋe yeŋgât ilanyenŋe ya lok bukulipyenŋe ekmâ “Yu ki orotŋe” sâm nângâm bâleyinginomai. Yawu otmai sâm somotyenŋe hâreŋgim yanâmâ enakŋetâ ârândâŋ otmap.

16 Otmu den ekyongoan yu nângâm bukulipyenŋe kakŋan sânomai yanâmâ yeŋe sâm hâreyingim yuwu ekyongonetgât nanŋan. “Kiristohât komot kapiŋe kapiŋe tatmâ arai yeŋgât imbilipyenŋe somotyenŋe katipgum lohimbî senyenŋan kinmâ Anitâ mepaemai. Yawu otŋetgât Kiristohât aposololipŋe sâm katbi.” Yawu ekyongonomai.

*Kutdâhât nângâm menduhuakmâ natik yuwu*

*nenom.*

17 Gârâmâ emelâk den kâsikum yingiminiwan yapâ konok loŋgâeŋetâ nâŋgâmune dondâ bâleap. Yakât otmâ girem den yuwu ekyongomune nâŋgâeŋet. Yeŋe menduhuakmâ Anitâ yet Kiristo mepaeyelekmai yan biwinenŋe kelihahâk sâŋ ki galemahomai.

18 Yeŋe yeŋahâlâk nanŋanŋeŋetâ yahatmu nâŋgâm bâleangimai. Yâhâ bukulipyenŋe nombotŋaŋe den pat yu eknohoŋetâ nâŋgâmune tipinŋe bulâŋe oap.

19 Yâhâ yeŋgâlen gâtŋe nombotŋaŋe Kiristohât den kelaŋgatŋetâ hioŋakmai yan den kelaŋgatmai ya yeŋgât topyenŋe mem tetemai yamâ nâŋgâmune âilonŋo oap. Kiristohât komot kapiŋe kapiŋe tatmâ araiŋe yawu otmâ lok yawuya yeŋgât topyenŋe mem tetemai.

20 Otmu yeŋe Kutdâhât nâŋgâm menduhuakmâ natik nemai yan yuwu otmâ hilipgumai.

21 Lohimbi nombotŋe sot pato tatyinŋiapŋe yeŋahât nâŋgâeŋetâ yahatmap. Yeŋahât nâŋgâeŋetâ yahatmu bukulipyenŋe sot tipinŋe tatyinŋiap ya ki kâsikum yingimai. Yeŋe yeŋeâk nemai. Otmu lok nombotŋaŋe to kârikŋe dondâ nem biwi hâlim otmâ. Yawu gârâmâ bukulipyenŋe sot tipinŋe tatyinŋimapŋe neŋetâ ki dopŋan otyinŋimap.

22 Yen sot pato nemeinŋe bukulipyenŋe yeŋgât nâŋgâeŋetâ gemap. Yawu otmâ yan biwiyenŋe ki kepeiakmu Anitâhât komot konohâk oai. Yeŋe sot pato nene sâŋ anŋoân yeŋe emetyenŋan tatmâ nembâi. Yakât yen âilonŋo oai sâŋ nâŋe heronŋe nâŋgâyinŋiwom me? Yamâ bia.

23 Yâhâ Kutdânenñaje natik yukât topñe aposololipñe ekyongop yakât emelâk ekyongowan ya âlâkuâk sâmune nângâñet. Emet omoñ otmu yan Kutdânenñe aposololipñe orowâk sot bâiñe newi yan Yurasinje Kutdâhât betñehen kioñop.

24 Otmu omoñ yan Kutdânenñe Yesuñe banja mem Anitâ mepaem motokmâ yingim yuwu sâm ekyongop. “Yuâmâ sinumne yawu oap. Nâñe yeñgât kaweyenjan kinmune nohonomai yakât dop kum banja yu motoksan. Yakât otmâ nângâñihim yuwu otmâ mannomai.”

25 Yawu sâm yingimu neñetâ yanjak wain to gâim yingim yuwu sâm ekyongop. “Wain to yu gâim yingimune niai yuâmâ hepne yawu oap. Hâmbâi nohoñetâ hepne gemu mumbomân Anitâñe nâhât nângâm mâtâp âiñe kalop yakât bulâñe tetewuap. Yakât otmâ nângâñihim yuwu otmâ wain to nem mannomai.” Yawu sâm ekyongop.

26 Yakât otmâ banja otmu wain to yu nenomai yanâmâ Kutdânenñaje kawenennjan muop yakât nângâm nenomai. Yawu nem manñetâ Kutdâñe âwurem gewuap sâp yan pesuk sâwuap.

27-29 Yawu gârâmâ lok âlâ me âlâñe yeñahât nângâñetâ yahatmu Kutdânenñaje kawenennjan kinmu kuñetâ muop yakât nângâñetâ kakñe otmu banja otmu wain to yu nemai yan tosa umatñe memai. Yakât otmâ tosa memai sâm yeñe biwiyeñe ekmâ otmai memai yakât nângâñetâ ârândâñ otbuap yanâmâ banja otmu wain to yu neñetâ umatñe yeñgâlen ki tetewuap. Yawu ki ot-nomai yamâ Anitâñe matñe yingimu umatñe topñe

topņe kakyeņan yâhâwuap.

<sup>30</sup> Topņe yukât otmâ kundat me mesek âlâlâ teteyiņgimu manmâ gai. Otmu bukulipyene nombotņe gurâ hiliwahowi.

<sup>31</sup> Yâhâ yeņe biwiyene ekmâ otmai memai yakât nâņgâņetâ ârândâņ otmu yaņak baņga otmu wain to yu nem gawi mâne Anitâņe yakât matņe ki yiņgimbâp.

<sup>32</sup> Yawu gârâmâ lohimbi belângen mansai yâhâmâ Anitâņe den âiân katyekmâ matņe umatņe yiņgimu menomai. Yâhâ yeņe yâk yeņgâlen torokatmâ yâk orop matņe memai sâm Anitâņe umatņe kakyeņan katmâ kuwikyeksap.

<sup>33</sup> Bukulipne, den sâm aran yukât bâiņe sâmune nâņgâņet. Yeņe Kutdâhât nâņgâm menduhuakmâ natik nene sâm otnomai yan bukulipyene hârok takaņet sâm mamboraņginomai. Mamboraņgim tatņetâ hârok takaņetâ yan topņe katmâ nenomai.

<sup>34</sup> Yâhâ lok nombotņe po yiņgimu sot pato nene sâm otmâ emetyeņehen tatmâ sot neņetâ ârândâņ otmu yanâmâ taka natik nenomai. Yawu otņetâ Anitâņe nâņgâmu ki bâlewuap. Yâhâ yakât den âlâ âinohowi yakât matņe yeņgâlen takawom yan yakât alahunom.

## 12

*Wâtgât mâmâņahât Heakņe mâmâņe otniņgimu âi topņe topņe mem mansain.*

<sup>1</sup> Bukulipne, Anitâhât Wâtgât mâmâņahât Heakņe mâmâņe otniņgimu âi topņe topņe mem mansain yakât nâņgâm pâpgumaihât yuwu ekyongomune nâņgâņet.

<sup>2</sup> Emelâk Kiristohâlen biwiyenje ki katbi yan Kâitgu Kâitgu Amboŋaŋe biwiyenjan kioŋmu yaŋak Porom Lâpio me wahap tâŋât, umut biwiŋe bia yawuya hâwim kânâŋgâyekmâ yakât nâŋgâŋetâ bulâŋe otminiop.

<sup>3</sup> Yawu gârâmâ Wâtgât mâmâŋahât Heakŋe lok âlâ me âlâhât biwiyenjan kioŋmap lok yaŋe Yesu ki sâŋm bâlewaŋgimai. Otmu biwiyenjan ki kioŋmap yaŋe Kutdânenŋe sâŋm Yesu mepaenomaihât dop ki tap.

<sup>4</sup> Otmu Wâtgât mâmâŋahât Heak konohâk tatmap. Iŋŋahâk biwinenŋan kioŋmâ mâmâŋe otningimu manmannenŋahât bulâŋe ikŋiâk ikŋiâk teteningimap.

<sup>5</sup> Manmannenŋahât bulâŋe ikŋiâk ikŋiâk teteningimap yakât dopŋanâk âi topŋe topŋe mem Kutdânenŋe Yesu hoŋ bawaŋgimain.

<sup>6</sup> Yesu hoŋ bawaŋgimain yan Anitâ ikŋak mâmâŋe otningimu kulem âlâlâ memain.

<sup>7</sup> Yâhâ nenŋe tânahom mannehât Wâtgât mâmâŋahât Heakŋe biwinenŋe mem hewewenŋe tuhumu manmannenŋan tetemap yamâ yuwu.

<sup>8</sup> Nâŋgân nâŋgân âlâlâ Anitâhât biwiŋan tap ya Wâtgât mâmâŋahât Heakŋe mem lok nombotŋe yengât biwiyenjan katmâ mem hewewenŋe tuhuyekmu Anitâhât den topŋambâek sâŋm kusânâ bukulipyenŋe ekyongomai. Otmu lok nombotŋe âlâmâ ya yengât biwiyenŋe mem hewewenŋe tuhumu Anitâŋe yuwu me yawu otmâ tihitnenŋe otmap yakât topŋe bukulipyenŋe kâsikum yingimai.

<sup>9</sup> Otmu lok nombotŋe âlâmâ biwiyenŋe mem hewewenŋe tuhumu Anitâhâlen biwiyenjaŋe tiŋâk

kepeim wâtñan kinñetâ yengâlen bulâñe yuwu tetemap. Lohimbi mesek topñe topñe teteyiñgimu mansai ya hengemyongomai.

<sup>10</sup> Me lok nombotñe âlâñeâmâ Anitâhât wâtñan kinmâ kulem topñe topñe meñetâ lohimbiñe ekñetâ âlâ kândâkdâ otmap. Me lok nombotñe âlâmâ lauyenñe mem hewewenñe tuhumu Anitâhât den bukulipyenñe kâsikum yingimai yan nâñgâñetâ bulâñe otmap. Me lok âlâ me âlâñe den âiñe ekyongomai yamâ Anitâhâlen mem sâmâi me weke bâlenjahâlen mem sâmâi yakât topñe nâñgâm henñeñuñetgât lok nombotñe yengât biwiyenñe mem hewewenñe tuhumañe. Me lok nombotñe âlâmâ nimbilamyenñe mem purik pilâyingimu den sâsâñe ki sâsâñe sâmâi. Me nombotñeâmâ biwi nâñgân nâñgânyenñe mem pâronñe pilâyingimu bukulipyenñe den sâmâi ya nâñgâñetâ keterakmu purik gurik sâm lohimbi ekyongomai.

<sup>11</sup> Yawu gârâmâ Wâtgât mâmâñahât Heakñe ikñe enñatñeâk otmâ biwinenñe mem hewewenñe tuhumu bulâñe ikñiâk ikñiâk teteningimu tânahom mansain.

*Nen lok topñe topñe mansainñe Kiristohât komot konohâk oain.*

<sup>12-13</sup> Yawu otmâ lok topñe topñe, nen Yura lohimbi, me yen pâku lohimbi, me lok kutdâ, me lok inñe lok kutdâlipyenñe yengât honñe bayingimai. Nen kerekñe Kiristohâlen biwinenñe katbin yan toen katnenekñetâ Wâtgât mâmâñahât Heak yâkñak mâmâñe otingmu komot konohâk manmâ tânahomain. Nengât biwinenñe mem hewewenñe tuhumu âi ikñiâk ikñiâk teteningimu

mainkan. Yawu gârâmâ yâkât wâtŋan kinmâ Kunnenne Kiristo tem lâuwanġim biwinenŋaŋe kepeiakmu tânahom yâhânôm. Yakât topŋe nânġâŋetâ keterahâġgât den âlâen hâum sâmune nânġâŋet.

14 Hâknenneâmâ konohâk. Aiop hâknenneahât torehenŋe âlâ âlâ yaŋe âi amboŋan amboŋan tuhumai.

15 Yakât otmâ kâinenŋaŋe yuwu mon sâwuap. “Amboŋaŋe bam gamu nâŋe hân tâlim tatmâ hâkânŋ oan. Yâhâ bâtnaŋe âi memap yawuâk ki katnihimu meman. Yakât otmâ hâreakmâ pilâwehât nanġan.” Yawu sâm hâreakmâ pilâwuapġât dop âlâ ki tap.

16 Me ândâpnenŋaŋe yuwu mon sâwuap. “Âo, mun pato pilâmu nġiŋ nġiŋ sâmu hâhiwin nânġâman. Yawu gârâmâ ambonahât senŋaŋe senŋe âlâlâ onom âlepŋe ya ekmap yawuâk ekbeâk nânġâman. Yawu gârâmâ senŋaŋe âi memap yawu ki katnihimu meman. Yakât otmâ hindakmâ pilâwehât nanġan.” Yawu sâm hindakmâ pilâwuapġât dop âlâ ki tap.

17 Yawu gârâmâ Anitâŋe sennenneâk katningiop mâne girawu otmâ sennenneŋe den nânġâmbâin? Me ândâpnenŋeâk katningiop mâne girawu otmâ ândâpnenŋaŋe kuŋ korok nânġâmbâin?

18 Anitâŋe ikŋe enġatŋeâk otmâ lok tuhum hâġgât torehenŋe âlâlâ kalop.

19-20 Yawu gârâmâ hâknenne torehenŋe âlâ me âlâ ki kalop mâne manmannenŋe ki tetemu âlepŋe manbâin. Hâknenneâmâ konohâk. Hâknenneahât torehenŋe yaŋeâmâ nep ikŋiâk ikŋiâk memai.

21 Yakât otmâ sennenneŋe bâtnenŋe yuwu sâm



ki ekuwuap. “Âo, gâñe âi mendâ gekmune bâleap. Yakât otmâ hindakmâ pilânenekmâ âlâengen ari tat.” Me kunnennañe kâinenñe yuwu sâam ki ekuwuap. “Bâe, hân tâlim arim takamat yakât gekmune bâleap. Yakât gâ hindakmâ gikiâk ari kindâ pâññajak bam gawom.” Yawu sâam ki ekuwuap.

<sup>22</sup> Yakât otmâ yuwu nâñgânom. Hâknennahât torehenñe âlâ me âlâ enakmunñe tâñjât otmap ya hârem pilâm âlepñe mannomgât dop ki tap.

<sup>23</sup> Otmu hâknennahât torehenñe nombotñane âi ki tuhumai yamâ benñe menjâleakmain yan bukulpnennañe nenekñetâ âilonjo otmap. Otmu hâknennahât torehenñe tetekñan tatmu ekñetâ anulakmain sâam hâknennñe tihitñe otmâ pet sâri latmâ kâtâpgumain.

<sup>24</sup> Yâhâ hâknennahât torehenñe nombotñe âlâmâ tetekñan tatmai yamâ ki nâñgâm ketet otmâ kâtâpgumain. Anitâ ikñak lok tuhum hâkgât torehenñe âlâlâ katmu ârândân olop. Otmu biwi nâñgân nâñgânnennan kionmu keterakningimu hâknennahât torehenñe âlâhât nâñgâm anulakmain sâam hâknennñe tihitñe otmain.

<sup>25</sup> Otmu Anitânje lok tuhum hâkgât torehenñe âlâlâ kalop yakât otmâ hionakmâ ikñiâk ikñiâk tatnomaihât dop âlâ ki tap. Yanjêâmâ tânahomai yan hâknennañe sânduk sâamu kilik milik manmain.

<sup>26</sup> Yawu gârâmâ hâknennahât torehenñe âlâ me âlâ hiwinñe otmap yan hâknennñe kerek hâhiwin nâñgâmain. Yamâ benñe hiwinñe ya biatmu yanâmâ hâknennñe kerek sânduk sâam arimap.

<sup>27</sup> Aiop, hâknennan hâum yan yunje Kiristohât komot konok mansain nen meneneksap.

28 Komot konohâk mansain yamâ Anitâñe âi ikñiâk ikñiâk ningimu mem tânahom manmain yamâ yuwu. Anñoân nen lok nombotñe lohimbi belângen manmai ya yengâlen ari Kiristohât den pat âlepñe ekyongomunñe nâñgânomaihât Anitâñe kut aposolo sâm âi ningiop. Yâhâ lohimbiñe Kiristohâlen biwiyenñe emelâk katbi ya yengâlen ari Anitâhât biwiñan den âlâlâ tatmap ya sâm holanmâ ekyongonjetgât lok nombotñe kut poropete sâm âi yingimap. Yâhâ den kâsikum yinginetgât lok nombotñe âlâmâ kut papasu sâm âi yingimap. Yâhâ âlâmâ kulem menjetâ lohimbiñe ekñetâ âlâ kândâkdâ otbuap sâm lok nombotñe âi sâm yingimap. Yâhâ âlâmâ lohimbi mesekyenñe orop hengemyongonjet sâm âi yingimap. Yâhâ âlâmâ lohimbiñe wahap wuân me wuângât umburuk otmai ya tânyongonjet sâm âi yingimap. Yâhâ âlâmâ Kiristohât komot ya yengât kunlipyenñe manñet sâm âi yingimap. Yâhâ âlâmâ lok nombotñe yengât nimbilamyenñe mem purik pilâyingimu den sâsâñe ki sâsâñe sâmâi.

29 Yawu otmâ âi topñe topñe yingimap. Yakât otmâ yen kerekñe aposolo âi yu ki menomai. Me yen kerekñe poropete âi ya ki menomai. Me yen kerekñe papasu âi ya ki menomai. Me yen kerekñe kulem topñe topñe ki menomai.

30 Me yen kerekñe lok ki hengemyongonomai. Me kerek yengât nimbilamyenñe ki mem purik pilâyingimu den sâsâñe ki sâsâñe sânomai. Me bukulipyenñe den sâsâñe ki sâsâñe sâmâi ya nâñgâm purik gurik sâm lohimbi ekyongonomaihât âi ya yen kerek ki yingimap.

31 Yawu gârâmâ Wâtgât mâmâñahât Heakñe mâmâñe otyiñgimu bukulipyenñe tânyongonjetgât nâñgâm biwiyenñe hewewenñ otmu Anitâ ulitgum mannomai. Yawu otmâ bukulipyenñe orop biwiyenñe kepeiakmâ tânahom manñetâ ârândânñ otbuap.

## 13

*Bukulipnenñe orop biwinenñe kepeiakmâ konohâk otmu mannom.*

<sup>1</sup> Yakât otmâ yuwu sâmunne nâñgânñet. Nimbil-amnenñe mem purik pilâningimu den sâsânñe ki sâsânñe sâmain, me añelo yenñgât den sâmain yan biwinenñe bukulipnenñe yenñgâlen ki kepeimain. Yawu otmâ den sâmain ya nâñgânñetâ hâpu umunñe pâonñ sâmu munñe pato pilâmap, me himbim gunñgurunñ sâmap, yakât dopñe otmap.

<sup>2</sup> Yâhâ Anitânñe ikñe biwiñan nâñgân nâñgân âlâlâ tatmap ya nâñgâm henñgenñ gum bukulipnenñe den kâsikum yingim yâk yenñgâlen biwinenñe ki kepeimain. Yawu otmain ya Anitânñe ekmu tâñgât otmap. Otmu Anitâhâlen biwinenñe tiñâk kepeim yan lokñe ki otmai ya otmunñe bukulipnenñe ekñetâ âlâ kândâk otmap. Yawu gârâmâ biwinenñe bukulipnenñe yenñgâlen ki kepeim manmain yan Anitânñe nenekmu gemap.

<sup>3</sup> Otmu senñe âlâlâ tatningimap ya kerek kâsikum lohimbi senñe âlâlâhât umburuk manmai ya yinginom. Me Kiristohât tem lâuwanginom yakât huhopñe kasalipnenñe menenekmâ kâlâwân uneneknomai. Yawu otnom yamâ biwinenñe

bukulipnenne yengâlen ki kepeinom. Yawu otnom yakât Anitâne nângâningimu ki yahatbuap.

<sup>4</sup> Yâhâ biwinennahe yengâlen kepeim yuwu otmâ mannom. Buku nombotnahe mem bâlenenekhetâ yakât matne ki kêpekyinginom. Me sâmbâleninginetâ yakât nângâm mem lohotne tuhuyeknom. Me nennahâlâk ki nângâmunne yahatmu hâknenne mepaenom. Otmu buku nombotne yengât nângâmunne ki gewuap. Otmu buku nombotne yengât ki nângâm bâleyinginom.

<sup>5</sup> Yâhâ up bia bia ki mannom. Otmu nembe kalem orangim mannom. Otmu buku nombotnahe hâmeân hâluhu otninginetâ yan tepnenne ki yahatbuap. Me mem âlâlâ tuhunenekhetâ yakâlâk nângâm matne yingine sâmbâbiwinennahe ki mem mannom.

<sup>6</sup> Yâhâ lohimbi nombotnahe otjetâ bâlewuap ya ekmâ herone ki nângâyinginom. Yamâ benne uwawapne bia manmâ otjetâ âilonngo otbuap ya yengât herone nângâyinginom.

<sup>7</sup> Otmu buku nombotnahe mem ge katneneknomai yan matne ki otyinginom. Me tep bâle nângâninginomai yan biwinennahe kepeiyekmâ mem tepyene sândukne tuhuyeknom. Yawu otmunne yâk orop lohotnan manmâ yâhânomgât biwinennahe mem mannom.

<sup>8-10</sup> Otmu sâp yiwerene yuâmâ kandi mansain. Yâhâ Anitâhât biwiñan nângân nângân âlâlâ tatmap ya ikne Wâtgât mâmânahât Heakne biwinennahe katmu bukulipnenne sâmbâkusânâmâ ekyongomain. Yawu gârâmâ Anitâhât biwiñan nângân nângân âlâlâ tatmap ya topñambâek ki nângâmain. Yakât otmâ nângân nângânnenne

holanꝥakmu yan den kakꝥeâk kakꝥeâk kâsikum yinꝥimain. Otmu nimbilammenꝥe mem purik pilâningimu den sâsâꝥe ki sâsâꝥe sâmain ya torokatmâ ki sâm yâhânôm. Hâmbâi mâne Kiristoꝥe âwurem ge manman bulâꝥe ningiwuap yan âi topꝥe topꝥe mem mansain yu biatbuap. Âi topꝥe topꝥe hârok biatbuap yamâ biwinenꝥaꝥe kepeiakmâ manmain yuwuâk torokatmâ manbisâin.

11 Emelâk nimnaom titipâ tatbinân yanâmâ mete pirik pirik otminiwin. Otmu biwinenꝥambâ nâꝥgân nâꝥgân âlâlâ tetemu âwâ mâmâlipnenꝥe ekyongomunꝥe nâꝥgâꝥetâ tâꝥât otminiop. Yawu gârâmâ papato otmâ nimnaom yenꝥât nâꝥgân nâꝥgân ya pilâwin.

12 Otmu nennꝥeâmâ toen umutnenꝥe eꝥakmunꝥe âwâlele otmap. Yakât dopꝥeâk Anitâhât biwiꝥan nâꝥgân nâꝥgân âlâlâ tatmap ya ki nâꝥgâm heꝥgengumain. Yawu gârâmâ Kiristoꝥe âwurem gewuap yan Anitâhât biwiꝥan nâꝥgân nâꝥgân topꝥe topꝥe tatmap ya topꝥe nâꝥgâm pesuk pilânôm. Anitâꝥe biwinenꝥahât topꝥe nâꝥgâmap yakât dopꝥeâk nenꝥe gurâ yâkât topꝥe nâꝥgânôm.

13 Yâhâ den sâm aran yukât topꝥe yuwu tap. Wâtꝥât mâmâꝥahât Heakꝥe mâmâꝥe otningimu Kiristo hoꝥ bawanꝥim âi topꝥe topꝥe memain yuâmâ âwurem gewuawân pesuk sâwuap. Yakât otmâ yuwuâmâ otmâ mannom. Anꝥoân biwinenꝥaꝥe kepeiakmâ konohâk otmu buku oranꝥim manmâ yâhânôm. Buku oranꝥim Anitâ yet Kiristo yetgâlen biwinenꝥaꝥe kepeim manmâ yâhânôm. Otmu Kiristoꝥe âwurem ge

menenekbuap yakât nângâm biwinenñaḡe mem mannom. Yawu gârâmâ angoân biwinenñaḡe kepeiakmâ konohâk otmu buku oraḡim mannomgât Anitâḡe nângâmap.

## 14

*Wâtgât mâmâḡahât Heakḡe nimbilamyenḡe mem purik pilâyinḡimu den sâwi.*

<sup>1</sup> Yakât otmâ biwiyenñaḡe kepeiakmâ konohâk otmu tânahonomaihât nângâm manḡet. Yawu manmâ Wâtgât mâmâḡahât Heakḡe mâmâḡe otyinḡimu Kiristo hoḡ bawaḡinḡetâ bulâḡe teteâkgât biwiyenḡe Anitâhâlen kepeim mannomai. Yawu gârâmâ Anitâhât den kâsikum bukulipyenḡe yinḡinḡetâ nângâm heḡenḡunḡetgât âi ya biwiyenñaḡe mem manḡetgât naḡan.

<sup>2-4</sup> Yakât otmâ yuwu sâmune nângâḡet. Lok nombotñaḡe Anitâhât den kâsikum ningimai ya nângâmunḡe keterakningimu manmannenḡe kelihakmu manmain. Lok yawuyenḡe mem hewewenḡe tuhunenekḡetâ biwi sânduhân manmain. Yâhâ Wâtgât mâmâḡahât Heakḡe Anitâhât biwiḡan nângân nângân âlâlâ tatmap ya mem lok nombotḡe âlâ yenḡât biwiyenḡan katmâ nimbilamyenḡe mem purik pilâyinḡimap. Nimbilamyenḡe mem purik pilâyinḡimu den sâsâḡe ki sâsâḡe sâḡetâ nângâmunḡe ki keterakningimu yaḡak Anitâhât nângân nângân yakât pâpḡumain. Yâhâ Anitâ ikḡak lok yawuya yenḡât den nângâmap. Yakât otmâ den sâsâḡe ki sâsâḡe sâmai yan yenḡe biwiyenḡeâk ârândâḡ otmap.

<sup>5</sup> Yâhâ Wâtgât mâmâñahât Heakñe yen kerek nimbilamyene mem purik pilâyîngimu den sâsâñe ki sâsâñe sânomai yakât nâñgâmune ârândân oap. Yawu gârâmâ nimbilamyene mem purik pilâyîngimu den sâsâñe ki sâsâñe sâmai ya lok âlâ me âlâñe nâñgâm bukulipyene purik gurik sâm ekyongonjetâ nâñgâm henñengumai yakât gurâ nâñgâmune âilongo otmap. Yâhâ lok nombotñeâmâ Wâtgât mâmâñahât Heakñe lauyene mem hewewenñe tuhumu lohimbi belângen manmai ya Anitâhât den ekyongomai. Ekyongonjetâ nâñgâm Kiristohâlen biwiyene katñetgâlâk biwinane nâñgâm manman. Lok yawuya yengât nâñgâmune yahatmap.

<sup>6</sup> Bukulipne, nâñe yengâlen takawom yan Wâtgât mâmâñahât Heakñe nimbilamne mem purik pilânihimu den sâsâñe ki sâsâñe sâmune nâñgâñetâ ki keterakbuap. Yawu otbom yane ki tânyongowom. Yâhâ yengâlen taka tânyongowom yan Wâtgât mâmâñahât Heakñe Anitâhât den biwinan katbuap ya ekyongowom. Otmu Anitâhât topñe nâñgâm henñengunjetgât Wâtgât mâmâñahât Heakñe mâmâñe otñihimu den kâsikum yîngiwom.

<sup>7</sup> Den sâm aran yukât topñe nâñgâñetâ keterahâkgât den âlâen hâum yuwu sâwe. Aionñe tuhomainân lok âlâñe kep topñe katmâ membuapñe ombe kârikñeâk mem wanjam kumbuap ya bukulipñane nâñgâm yawuâk watnomai. Yâhâ ombe lohotñan mem wanjam kârikñe ki kumbuap yan bukulipñe nombotñe atene âlâengen kinnomaine ombe ki mem henñengum wanjam gurâ hârem hilipgunomai.

<sup>8</sup> Otmu âlâen hâum sâmunen nângânet. Kapi âlâ yongone sâm arinomai. Yâhâ kapi âlâ yamâ emelâk taka mâtâwân tengâ tuhum mambotyînginomai. Mambotyîngînetâ lok tem pato yan gâtne kulet sâwuapne tengâ tuhuai ya yekmâ bukulipne ekyongomu alahunomai. Alahum yekmâ kewewetyeknomai. Yâhâ bukuyene âlâ yakât ki nângâwuap mon yane tengâ tuhunomai ya yengât lauyenanâk kionmu kuñetâ mumbuap. Yawu.

<sup>9</sup> Yâhâ yakât dopneâk yengâlen gâtne âlâ me âlâhât nimbilamyene Wâtgât mâmâñahât Heakne mem purik pilâyîngimu den ki nângân nângânne sânomai ya bukulipyenane nângânetâ ki keterakbuap. Yakât nângânetâ siru den yawu otbuap.

<sup>10-11</sup> Otmu torokatmâ yuwu sâwe. Nen lok topne topne manmâ dennenne ikñiâk ikñiâk sâmain. Yakât otmâ lok pupne âlâne hân âlâengembâ taka denyenanâk eknongonomai ya ki nângânom. Otmu nen gurâ dennenñanâk ekyongomunne ki nângânomai. Yawu gârâmâ den nângâmain ya bukulipnennane sânomai yanâmâ yâk orop hewewenâk alahunom.

<sup>12</sup> Yakât otmâ yuwu sâmunen nângânet. Wâtgât mâmâñahât Heakne mem hewewen tuhuyekmu âi âlâlâ menehâlâk nângâmai. Yawu nângâm yan wuân âi meñetâ Kiristohât komot tânyongowuap yakâlâk nângânomai.

<sup>13</sup> Yâhâ Wâtgât mâmâñahât Heakne lok âlâ me âlâhât nimbilamyene mem purik pilâyîngimu den ki nângân nângânne sâmaine den yakât topne nângâm purik gurik sâm bukulipyene



ekyongonjetâ nângânomaihât Anitâ ulitgunjet.

<sup>14</sup> Yâhâ Wâtgât mâmâñahât Heakñe nimbilamne mem purik pilânihimu den sâm Anitâ mepaeman ya nângâmu ârândâñ otmap. Yawu gârâmâ den sâman ya biwinañe nângâm ki sâman.

<sup>15</sup> Yakât otmâ yuwu otbom. Nimbilamne mem purik pilânihimu den ki sâsâñe sâm mepaewom, me kiki mewañgiwom ya purik gurik sâmune lohimi orop kinnom yañe nângânomai.

<sup>16-17</sup> Yawu gârâmâ nimbilamyene mem purik pilâyinçimu den ki sâsâñe sâm Anitâ mepaenomai yanâmâ bukulipyene den yakât topñe ki nângâmaiñe yen orop biwi nângân nângân yeñe ki hikuakmâ konohâk otbuap. Yâhâ Anitâ mepaenjetâ nângâmu ârândâñ otbuap. Yamâ bukulipyeneñe nângânjetâ ki keterakyinçiwuap. Yakât nângâmune ki dopñan oap.

<sup>18</sup> Yâhâ nimbilamyene mem purik pilâyinçimu den sâsâñe ki sâsâñe sâmai yamâ nâku yawuâk nimbilamne mem purik pilânihimu wangiyekmâ sâman. Yakât nângâm Anitâ mepaeman.

<sup>19</sup> Yawu gârâmâ Kiristohât komot men-duhuakmâ kinmain yan senyenjan kinmune nimbilamne mem purik pilânihimu den sâsâñe ki sâsâñe sâm ariwomgât ki nângâman. Yâhâ senyenjan kinmâ biwinambâ nângân nângân âlepñe tetemap ya pâne tâlâwâk ekyongomune nângâm hençençunjetgât nângâman.

<sup>20</sup> Bukulipne, nimnaom titipâne yu me ya otnehâlâk nângâmai. Yâhâ yeñe yawu ki nângânomai. Otmu Wâtgât mâmâñahât Heakñe nimbilamyene mem purik pilâyinçimu den sâsâñe ki sâsâñe sâne

sâm yakâlâk ki nângânômai. Wuân âi menjetâ Kiristohât komot tânyongowuap yakâlâk nângânômai. Yawu gârâmâ lepatje wuân âlâ ombe tatmâ ki nângâm bâleangimai yakât dopneâk otmâ biwi nângân nângânyenje galemahonomai.

<sup>21</sup> Otmu emelâk Anitâhât poropete nombotjaŋe yâkât den sâm Isirae lohimbi denyenânâk ekyongonjetâ nângânetâ gemu bet pilâwi. Yakât otmâ Anitâŋe poropete âlâ den ekumu kulempuop ya yuwu tap.

“Lohimbi yuje nâhât den nângânetâ gemu bet pilâm tem ki lâunihim mansai. Yakât otmâ kasalipyenje hângânyongomune hân kâlepnehembâ taka yenje denânâk ekyongonomai. Yawu gârâmâ den ekyongonjetâ yawuâk nângâm hâkâŋ otnomai.”

<sup>22</sup> Den yawu tap yakât topje yuwu nângânôm. Wâtgât mâmâŋahât Heakje launenŋe mem hewewenj tuhumu Anitâhât den kâsikum Kiristohât lohimbi yingimunŋe nângânetâ bonŋe otmap. Yâhâ lohimbi belângen manmaineâmâ nângânetâ ki bonŋe otmap. Yakât otmâ Wâtgât mâmâŋahât Heakje nimbilammenŋe mem purik pilâningimu den sâsâŋe ki sâsâŋe sâmunŋe nângânetâ biwiyenjan hâumu “Kulem yu ki orotŋe eksain,” sânomai.

<sup>23</sup> Yakât otmâ yenje menduhuakmâ Kiristo mepaenomai yan Wâtgât mâmâŋahât Heakje yen kerek nimbilamyenje mem purik pilâyingimu lauyenje menduhum den ki sâsâŋe sânomai yanâmâ bukulipyenjaŋe den yakât topje ki nângâmai me lohimbi belângen manmai yaŋe yekmâ, “Bâe, lok

yu ondop otmâ biwiyenê gulip oap,” sânomai. Yawu sâm nângâyinjetâ gewuap.

<sup>24</sup> Yâhâ Wâtgât mâmâñahât Heakñe biwiyenê mem hewewenê tuhumu Anitâhât den alahumai. Den alahumai yan bukulipyenê nombotñe Anitâhât den ki nângâm henjenjumai me lohimbî belângen manmai yanê denyenê nângâñetâ biwiyenân hâumu orotmemeyenê bâlenê yakât nângâñetâ hañ sâyinjiwuap.

<sup>25</sup> Yakât nângâñetâ hañ sâyinjimû, “Anitâñe yen orowâk manmâ mâmâñe otyinjimap,” yawu sâm yâk mepaenomai.

*Nenñe menduhuakmâ Anitâ yet Kiristo mepaeyeleknom yan ewe karañinom.*

<sup>26</sup> Yakât otmâ yenê menduhuakmâ Kiristo yet Anitâ mepaeyelekne sâm yuwu otnomai. Lok nombotñe kep me kiki mewañinomai. Yâhâ nombotñe âlâmâ biwiyenâmbâ nângân nângân âlâlâ tetewuap ya sâm tetem ekyongonomai. Yâhâ nombotñe âlâmâ Wâtgât mâmâñahât Heakñe den âlâ biwiyenân katmap ya ekyongonomai. Me nombotñe âlâ yengât nimbilamyenê mem purik pilâyinjimû den ki sâsâñe sânomai. Me nombotñe âlâ yengât biwi nângân nângânyenê mem pâron pilâmu den ki sâsâñe sânomai ya purik gurik sâñetâ bukulipyenê nângânomai. Menduhuakmâ yawu otmâ tânahom mannomai.

<sup>27</sup> Yâhâ Wâtgât mâmâñahât Heakñe lohimbî nombotñe yengât nimbilamyenê mem purik pilâyinjimû den sâsâñe ki sâsâñe sânomai yan lok konok me yâhâp me kalimbu yanê yahatmâ âlâku ikñiâk ikñiâk sânomai. Yawu otnomai yan lok âlâñe

den ki sâsâņe sânomai ya purik gurik sâm lohimbî ekyongomu topņe nâņgânomai.

28 Yawu gârâmâ lok yawuya âlâ orop ki menduhuaknomai yanâmâ yuwu otnomai. Wâtgât mâmâņahât Heakņe lok âlâ me âlâhât nimbilamyeņe mem purik pilâyîņgimu den sâsâņe ki sâsâņe ya lohimbî senyeņan ki sânomai. Yâhâ biwiyenânâk nâņgâm Anitâ herone nâņgâwanņinomai.

29 Otmu Wâtgât mâmâņahât Heakņe lauyeņe mem hewewenņ tuhumu Anitâhât den ekyongonomai ya gurâ yawuâk lok konok me yâhâp me kalimbu yaņe yahatmâ den ekyongonomai. Den ekyongonomai yamâ târârâk yai me sâm tâpikguai yakât lok nombotņe tatmâ nâņgâyîņginomai.

30 Otmu bukuyeņe âlâņe yahatmâ kinmâ den ekyongowuawân Wâtgât mâmâņahât Heakņe lok âlâhât biwiņe mem hewewenņ tuhumu yanâk ki yahatmâ yâku den sâwuap. Anņoân bātņe pilâmu kândikum sâwuap yaņe ekmâ sâm tiņ pilâm ge tatmu benņe yâku yahatmâ ekyongowuap.

31-33 Lohimbîņe menduhuakmâ den kakņan ki sahaņginomai. Yawu otmâ ewe karaņginomai yanâmâ Anitâņe yekmu ârândâņ otbuap. Yâhâ menduhuakmâ Anitâhât den alahumaiân yeņe ki ewe karaņgimai. Yakât otmâ Wâtgât mâmâņahât Heakņe lauyeņe mem hewewenņ tuhuwuap yan ewe karaņgim den ya âlâku ikņiâk ikņiâk yahatmâ ekyongonomai. Yawu otnomai yan lohimbî kerekņe den ya nâņgâņetâ keterakmu yanâmâ biwiyenņ hewewenņ otbuap.

Otmu Kiristohât komot kapiņe kapiņe manmâ

araiŋe orotmeme yuwu otmai.

<sup>34</sup> Lohimbi menduhuakmâ Anitâ yet Kiristo mepaeyelekmaiân imbilipyenaje loklipyenaje yengât amutgen otmâ den nângânâk tatnomaihât emelâk Anitâŋe Mose ekumu kulempuop.

<sup>35</sup> Yakât otmâ imbilipyenaje wuân me wuân topŋahât pâpgumai yaje lohimbi senyenjan yahatmâ kinmâ topŋe nângâne sâmbâkumai yakât den pat nângâmune bâleop. Yawu otmai yamâ anjun topŋe. Yawu gârâmâ emetyenjan ari tatnomai yan loklipyenaje me âwâlipyenaje âiyongonjetâ ekyongonomai.

<sup>36</sup> Yawu gârâmâ yeŋe wuân nângân nângân mem Kiristohât komot kapiŋe kapiŋe tatmâ arai ya yengât orotmeme ki watmai? Yeŋe kunlipyenaje manne sâmbâk oai hâ?

<sup>37</sup> Yakât otmâ yuwu sâmbâk nângânjet. Den yan yuâmâ Kutdâhât den ekyongoan. Yakât otmâ lok âlâ me âlâhât biwiyenambâ nângân nângân âlâ tetewuap yakât “Yuâmâ Anitâŋe biwinenjan katmu ekyongoain,” sâmbâk. Yawu sâmbâk yan kuyiŋinjetâ ya pilâm nâ tem lâunihinomai. Otmu lok nombotŋaje Wâtgât mâmâŋahât Heakŋe biwinenŋe mem hewewenŋe tuhumu Kiristohât hon bawanŋiain sâmbâk ekyongonomai ya gurâ ekyongonjetâ tem lâunihinomai.

<sup>38</sup> Yawu gârâmâ den yan yu lok ya ekyongonjetâ ki nângâyinŋinomai yamâ yeŋe betyongonomai.

<sup>39</sup> Bukulipne, den ekyongoan yukât bâiŋe sâmbâk nângânjet. Wâtgât mâmâŋahât Heakŋe lauyeŋe mem hewewenŋe tuhumu Anitâhât den bukulipyenaje kâsikum yinŋinomaihât nângânjet. Otmu Wâtgât mâmâŋahât Heakŋe bukulipyenaje

yengât nimbilamyene mem purik pilâyinyimu den sâsâne ki sâsâne sânomai ya ki kuyinyinimai.

<sup>40</sup> Yakât otmâ den sâsâne ki sâsâne sânomaiân orotmeme ekyongoan yu watmâ otjetâ dopñan otbuap.

## 15

### *Anitâne Kiristo mumuñambâ mem yahalop.*

<sup>1-2</sup> Bukulipne, emelâk Kiristohât den pat âlepne kâsikum yingimune nângâm yâkâlen biwiyenane kepeim manmâ gai. Yawuâk torokatmâ man-nomai otmuâmâ Kiristone âwurem ge meyekmu manman kârikñahât bulâne menomai. Yâhâ den pat âlepne yakât nângânetâ porap otmu Kiristo bet-gunomai yanâmâ bulâne ya ki menomai. Bulâne ya ki memaihât den pat âlepne yakât pâne tâlâwâk yuwu sâm henjenjumune nângânet.

<sup>3-4</sup> Emelâk Kiristohât aposololipne yengâlebâ den kunne mewan ya ekyongomune ki nângâm henjenguwi. Yakât yuwu sâmune nângânet. Kiristone nengât toсахât huhopne mem muop. Mum hân kâlehen katjetâ tatmu hilâm kalimbu pesuk sâop. Yawu otmu yan Anitâne mumuñambâ mem yahalop yakât den emet inânñan poropete otmu lok nombotñane kulemgowi.

<sup>5</sup> Yâhâ mumuñambâ yahalop yakât kakñan Petoro orop enakmâ den olowot. Yakât kakñan ikne aposololipne mem teteyekmu yâk orop den otbi.

<sup>6</sup> Yakât kakñanâmâ lohimbine yâkâlen biwiyenane kepeim manbi ya kiñitne orowâk, dopyene 500 ya wangiop, ya teteyinyimu enakbi.

Yawu gârâmâ lohimbi ekbi yamâ nombotņe muņetâ nombotņe yawuâk mansai.

<sup>7</sup> Otmu yakât kakņan imiņe Yakowo yâkâlen tete-waņgimu eņakmâ den olowot. Otmu yakât kakņan aposololipņe âlâkuâk teteyiņgimu den otbi.

<sup>8</sup> Otmu bâiņeâmâ nâhâlen tetenihim aposolo âi sâm nihiop yakât yuwu sâmune nâņgâņet. Wuân me wuân bilakņe kâpekmai yakât dopņeâk man-mune Kiristoņe menehop.

<sup>9</sup> Yâhâ ki menehop yan ikņe komot ya mem bâleyekminiwan. Yawu otyiņgiminiwan yapâ menekmâ aposolo âi sâm nihiop yakât nâņgâmune âlâ kândâkdâ otmap. Yawu otminiwan yakât ninahât nâņgâmune gemap. Otmu aposolo yeņgât kunyeņe manbehât ki nâņgâman.

<sup>10</sup> Yawu gârâmâ Anitâņe ikņe eņgatņeâk otmâ nâņgânihim Kiristo hâņgângumu ge tetenihim aposolo âi sâm nihiop. Âi sâm nihimu yâkât wâtņan kinmâ aposolo nombotņeņe âi memai ya hârohâk wangiyekmâ âi kârikņeâk meman. Âi meman yukât amboņe Anitâ. Ikņe Wâtgât mâmâņahât Heakņe mâmâņe otnihimu âi memune bulâņe tetemap.

<sup>11</sup> Yakât otmâ aposolo nombotņe orop, nenņe Kiristohât den pat konok yakâlâk lohimbi ekyongomunņe nâņgâmai. Otmu emelâk den pat yuwuâk ekyongomune nâņgâm Kutdâhâlen biwiyenņe katbi.

*Anitâņe mumuņambâ mem yahatnenekbuap.*

<sup>12</sup> Otmu Anitâņe Kiristo mumuņambâ mem yahalop yakât den pat ekyongomunņe nâņgâwi.

Yawu gârâmâ topņe girawuhât otmâ yen nombotņane sâm hilipgum “Hâmbâi mumuņambâ ki yahatnom,” sâmai?

<sup>13</sup> Den yawu sâmai ya bulâņe mâneâmâ Anitâņe Kiristo mumuņambâ mem yahalop sâm ekyongomain ya bulâņe ki otbâp.

<sup>14</sup> Otmu Kiristo mumuņambâ ki mem yahalop mâne nenņe imbiâk ekyongomunņe biwiyenņe yâkâlen katbâi.

<sup>15</sup> Otmu Anitâņe mumuņambâ mem yahatnenekbuapgât dop ki tap mâne Anitâņe Kiristo mumuņambâ mem yahalop sâm den golâ ekyongombâin.

<sup>16</sup> Otmu torokatmâ sâwe. Anitâņe mumuņambâ mem yahatnenekbuapgât dop ki tap mâne Kiristo mumuņambâ ki mem yahatbâp.

<sup>17</sup> Otmu Kiristo mumuņambâ ki mem yahalop mâne yâkņe tosanenņe ki pilâm manman kârikņahât pat kuningimbâp. Otmu nenņe biwinenņane yâkâlen imbiâk kepeimbâin.

<sup>18-19</sup> Yâhâ Anitâņe manman kârikņahât pat kuningiop yakât bulâņe mene sâm Kiristohâlen biwinenņane kepeim mansain. Yawu gârâmâ munom yakât kakņan mumuņambâ mem yahatnenekmu manman kârikņan mannomgât dop ki tap mâne nenņe den perâkņe nâņgâmunņe bulâņe otbâp. Otmu lok belângen manmainņe nengât imbiâk otmâ hâhiwin kakņan manmâ gai sâm nâņgâningimbâi. Otmu emelâk lohimbi nombotņe biwiyenņane Kiristohâlen kepeim mum gawņe orotmeme bâleņe otminiwi yakât tosa ki pilâyinņimbâp. Yakât otmâ matņe umatņe yinņimu



hâhiwin nângâmbisâihât dop yawuâk tatbâp.

<sup>20</sup> Bulâñanâk Anitâñe Kiristo mumuñambâ mem yahalop. Yakât dopñeâk lohimbiñe Kiristohâlen biwiyeñaje kepeim manmâ gam muwi, me nen yâkâlen biwinenñaje kepeim mansain, me gâmâlâk yâkâlen biwiyeñaje kepeinomai nen kerek mumuñambâ mem yahatnenekbuap.

<sup>21-22</sup> Lok topnenñeâmâ konok. Tâmbânenñe, kutñe Aram sâmb, ikñahâk otmâ tâpikgum tosa miop. Yakât huhopñe Anitâñe mumuhât pat kuwañgiop. Yawu otmâ lohimbi yâkâlebâ tetemain nen kerekñe enñatnenñeâk watmâ otmunñe bâlemu mum gara gara otmâ gamain. Yawu gârâmâ Kiristoñe mumuñambâ yahalop yan mumuñambâ yahatmâ manman kârikñan mannomgât mâtâp mem kusânniñgiop. Yakât otmâ yâkâlen biwinenñaje kepeim manmâ munom yanâmâ Anitâñe mumuñambâ mem yahatnenekmu manman kârikñan mannom.

<sup>23</sup> Anñoân Kiristoñe mumuñambâ yahalop. Mumuñambâ yahatmâ himbimân yâhâmu Anitâ orop tawot. Otmu âwurem gewuap yan lohimbiñe yâkâlen biwiyeñaje kepeim manmâ gam muwi, me nen yâkâlen biwinenñaje kepeim mansain, me gâmâlâk yawuâk mannomai nen kerek Anitâñe mumuñambâ mem yahatnenekbuap.

<sup>24-25</sup> Yawu gârâmâ sâp yupâek Kiristoñe kunnennje tatmâ tihitnenñe otmâ yâhâwuap. Otmu sâp pesuk sâwuawân Kiristohât kasalipñe yu Anitâñe mem ge katyekmu yâkât amutgen tatnomai. Lok, âi weke, emet amboñe, senduk banearâ, susun, me sâtñe metñe topñe topñe ya kerek mem ge

katyekbuap. Ya kerek mem ge katyekmu sâp pesuk sâwuap. Sâp pesuk sâmu nen Kiristohât komot kerek mumuñambâ mem yahatnenekmu yu ya topñe topñe kerehâk yâkât amutgen tatnom. Yakât otmâ menduhunenekmâ âwâñe Anitâ yâkât amutgen katnenekmu mannom.

<sup>26</sup> Otmu sâp yan Mumuhât Amboñe bunewâk mem ge katbuap. Yakât kakñan nenñe yâhâpñe ki munom.

<sup>27-28</sup> Yakât topñe teteâkgât emelâk Anitâñe lok âlâ den ekumu kulemguop ya yuwu tap.

“Anitâñe wahap topñe topñe ya nanñahât amutgen katyekmu tatnomai.” Yawu tap.

Yâhâ “wahap topñe topñe” den yuñe nen hânân gâtñe, me himbimân gâtñe, me hân kâlehen gâtñe nen kerehâk meneneksap. Yâhâ Anitâ ikñahâk menenekmâ nanñahât amutgen katnenekbuap. Yakât otmâ den yuñe Anitâ ikñahât ki miap. Otmu nanñahât gurâ ki miap. Anitâñe nen kerehâk menenekmâ Kiristohât amutgen katnenekmu tatnom yanâmâ sâp pesuk sâwuap. Sâp pesuk sâwuap yan Kiristoñe âi tuhum tiñ pilâm nen kerehâk menenekmâ âwâñe Anitâ yâkât amutgen katnenekbuap. Otmu ikñe gurâ yawuâk âwâñahât amutgen tatbuap. Yawu otmâ Anitâñe kunnenñe pato tatbisâp.

<sup>29</sup> Otmu Anitâñe mumuñambâ mem yahatnenekbuap yakât torokatmâ sâwe. Bukulipyenñe nombotñenñe “Mumuñambâ ki yahatnom,” sâmai. Yawu gârâmâ den sâmai ya bulâñe oap otmuâmâ girawuhât otmâ bukulipyenñe emelâk muwi ya yengât nânğâm kutyenñe mem kinñetâ toen katyekesai? Yâhâ

Anitâne bukulipyene mumuñambâ mem yahatyekbuapgât dop ki tap otmuâmâ kutylene mem kinjetâ toen mem katyekmai yamâ imbiâk otmai.

<sup>30</sup> Bukulipne, torokatmâ sâmune nângânet. Nenje lohimbi hânñan kulemñan manmâ arai ya yengâlen ari Kiristohât den pat âlepne ekyongomunje lohimbi nombotñane topne âlâlâ mângâenenekjetâ hâhiwin kakñan manmâ gamain. Yawu gârâmâ Anitâne mumuñambâ mem yahatnenekbuapgât dop ki tap mâne âi yu pilâmbâin.

<sup>31</sup> Lohimbi âlâ me âlâ belângen manmainje sâp girawuân me girawuân nohoñetâ mumbom? Yawu nângâm manman. Den ekyongoan yu biwinane nângâmune bulâne oap. Otmu yakât dopneâk yengât yuwu nângâmune bulâne oap. Emelâk Kiristohât den pat âlepne ekyongomune nângânetâ bulâne otmu yâkâlen biwiyene katbi. Yapâek biwiyene yâkâlen kepeim manmâ gai yakât nângâm mepaeyeksan.

<sup>32</sup> Emelâk nâne Epeso kapi yuân taka Kiristohât den pat âlepne ekyongowan. Sâp yan kapi ambolipne nombotñane kuk otmâ bâsok hâmene mem gulip tuhuwi. Yawu gârâmâ Anitâne mumuñambâ mem yahatnenekbuapgât dop ki tap mâne Epeso kapiân yu âwurem taka nep yuwu ki tuhumbâm.

Otmu torokatmâ sâwe. Lohimbi belângen manmainje yuwu sâmai. “Mumunje pesuk sâwuap. Yakât otmâ engatnenneâk watmâ sot kâle sonjo bau nem herone kakñan manne.” Den yawu sâmai. Yâhâ Anitâne mumuñambâ mem

yahatnenekbuapgât dop ki tap mâne sonjo bau sot kâle nem heronje kakjan manbâm.

<sup>33</sup> Otmu lok yawuyane taka yen orop yawuâk otjetâ dondâ bâleap. Yakât yuwu sâmunne nângânet. Lok âlepjanje lok bâleje orop hero karangim yâhâm genomai yanâmâ lok bâlejanje lok âlepje ya yengât engatyenan kionjetâ otbuap.

<sup>34</sup> Yene nângân nângânyene keterakyiŋgimu bukulipyenaje Anitâhât den kelangatmai ya yengât nângân nângân ki watjetgât nanjan. Ya kâmbukje. Den ekyongoan yu nângâm anjolakjet.

*Mumuŋambâ yahatnom yan towatnenje âlâ tetewuap.*

<sup>35</sup> Yawu gârâmâ yengâlen gâtje âlâ me âlâje yuwu mon sâm âinohonomai. “Nenje girawu otmâ mumuŋambâ yahatnom? Me mumuŋambâ yahatnom yan towatnenje girawuya tetewuap?”

<sup>36</sup> Yawu sâm âinohonomai yakât matje yuwu sâmunne nângânet. Nowo alikje mem hân kâlehen katmain ya mumu kâmje ga takamap. Ga takam hâlihith kânângâmunje ya watmâ yâhâmap. Yâhâ alikje mem hân kâlehen katmain yamâ mumap. Mumu yanjak kâmje ga takamu bonje anjo tetemap. Yen yukât topje nângâmai yamâ girawu otmâ manmannenjahât topje pâpgumai? Yawu gârâmâ alikje mem hân kâlehen katmain yakât dopjeâk mum hân kâlehen mem ba karakmain. Otmu kâmje ga takamap yakât dopjeâk mumuŋambâ yahatnom.

<sup>37</sup> Otmu torokatmâ yuwu sâmunne nângânet. Ârok kehetjeâk mem hân kâlehen katmain. Yawu

gârâmâ kâmñe ga takam bonñe kinmap yamâ towatñe âlâ âlâ.

<sup>38</sup> Anitâñe ikñe engatñeâk otmâ sot âlâlâhât bonñe otmu kehetñe yakât towatñe ikñiâk ikñiâk kalop.

<sup>39</sup> Otmu sonño bau, hambe gumbam, nâi luap, me soki kalapat topñe topñe yamâ towatyeñe ikñiâk ikñiâk katyehop. Otmu lok manmannenñe gurâ yawuâk ikñiâk katningiop.

<sup>40</sup> Yakât otmâ hânân âliwahap topñe topñe kalop ya towatñe ekmâ “Yuâmâ hânân gâtñe,” sâmmain. Me himbimân emetsenñe pitu âlâlâ kalop ya gurâ ekmâ “Ewamâ himbimân gâtñe,” sâmmain.

<sup>41</sup> Hilâmgât emetsenñe yakât lañinñe ya ikñiâk. Otmu omongât emetsenñe yakât lañinñe ya gurâ ikñiâk. Otmu pituhât lañinñe ya gurâ ikñiâk tap. Yawu.

<sup>42-43</sup> Otmu dop kum den ekyongoan yukât topñe yuwu nângânôm. Menlipnennañe menenekbi yan wâtnenñe ki teteop. Yâhâ wâtnenñe tij tij sâmâp yapâek mesek topñe teteningimu mum gamain. Yakât otmâ mumunñe hannongonjetâ tâtuk sâmmain. Yâhâ Anitâñe mumunambâ mem yahatnenekbuap yan hâknennñe âiñe ningimu manman kârikñan mannom. Otmu hâknennñe âiñe ya ningimu enajmunñe âlepñe nandoroñe otbuap.

<sup>44-49</sup> Kândikum emelâk Anitâñe topñe katmâ hân mem tâmbânennñe, kutñe Aram sâm, yâk tuhum yan umutñe biwiñe katbangiop. Yâhâ lok tuhuop yakât Moseñe den kulemguop ya yuwu tap.

“Anitâñe lok tuhum umut biwiñe katbangimu manop.” Den yawu tap.

Yakât otmâ lohimbi Aramgât towat tetewiñe

muop yawuâk mum gara gara otbi. Otmu nen gurâ dop yawuâk otmâ mum tâtuk sânom. Yawu gârâmâ lok âlâ himbimâmbâ ge manop yamâ Kutdânenne Yesu Kiristo. Yâkneâmâ umut biwinenne mem hewewen tuhumu yâkâlen biwinenne kepeimunne manman kârikjahât pat kuningiop. Yakât otmâ âwurem ge menenekbuawân Anitâne mumunambâ mem yahatnenekmâ hâknenne âne ningiwuap. Yâhâ emelâk Kiristone mumunambâ yahatmâ hâkne âne miop yawuya ningiwuap.

<sup>50</sup> Bukulipne, den ekyongoan yukât topne yuwu nângânom. Emelâk tosanenjahât huhopne hânân yu manmâ yâhâm munomgât Anitâne sâm kalop. Yakât otmâ hânân manman manmain yu torokatmâ himbimân yuwuâk mannomgât dop ki tap.

<sup>51-52</sup> Yâhâ mumunambâ yahatnomgât Anitâne den biwinan kalop yamâ yuwu. Sâp pesuk sâwuawân aŋelo âlâne lâmun bâne kunbuap. Lâmun kunmu Anitâne in yawu, sennenne pelen bok otmap yakât dopneâk mumunambâ mem yahatnenekbuap. Mem yahatnenekmu lohimbi mannomai ya orop menduhunenekbuap. Menduhunenekmâ manmannenne âne ningiwuap yakât dop kum sâwe.

<sup>53</sup> Soki âlâ sâmbâlâkne tatmâ kon sâmap. Kon sâm bumbulele otmap. Yakât dopneâk nenne hâknenne hângeŋe pilânom.

<sup>54-55</sup> Pilâmunne hâknenne âne ningimu hanŋalakmâ manman kârikjan manbisâin. Yâhâ sâp yiwerene yuâmâ hâhiwin kakjan manmâ mum gamain. Yâhâ hâmbâi hâknenne âne ningimu

menom yan hâhiwin barak manmâ yâhâmbisâin. Emelâk Anitâñe ya sâmb kalopgât otmâ yakât bulâñe tetewuap. Yâkât poropete âlâñe den kulemguop ya yuwu tap.

“Anitâñe Mumuhât Ambonje mem ge katbuap yapâek lohimbi ki munomai.”

Otmu Anitâñe poropete âlâ den yuwu ekumu kulemguop.

“Bâe, Mumuhât Ambonje, lohimbi hilipyongowuatgât dop biatsap. Otmu hâhiwin yingim yâhâwuatgât dop gurâ ki tap.” Den yawu tap.

<sup>56</sup> Yakât otmâ yuwu sâmune nângâñet. Biwinenñambâ nângân nângân bâleñe topñe topñe tetemu ya watmâ otmunñe bâlemap. Otmunñe bâlemap yan Anitâhât girem den nângâmunñe biwinenñan hâumu girem den ya lonğâem tosa miain sâmb nanğanğimain. Yawu manmain yakât huhopñe Manman bâleñahât Ambonjañe hâhiwin topñe topñe ningimu manmâ mum gamain.

<sup>57</sup> Yawu gârâmâ Anitâñe tihitnenñe otmâ Kutdânenñe Yesu Kiristo hângângumu ge kawenenñan kinmâ tosanenñahât matñe miop. Yakât otmâ yâkâlen biwinenñane kepeim yâkât wâtñan kinmunñe Manman Bâleñahât Ambonjañe ki mem ge katnenekbuap. Yawuâk manmâ munom otmuâmâ sâp pesuk sâwuawân Anitâñe mumuñambâ mem yahatnenekbuap. Yakât otmâ Anitâ mepaenom.

<sup>58</sup> Bukulipne, biwiyenjañe Kutdâhâlen tiñâk hikum mannomai. Yawu otmâ âi sâmb yingiop yakât biwiyenjañe tiñâk kepeim tuhuñetâ bulâñe topñe topñe tetewuap.

## 16

*Yerusalem kapi ambolipņe yengât tewetsenņe menduhuwi.*

<sup>1</sup> Otmu Yerusalem kapi ambolipņe Kiristohâlen biwiyenņe kepeim mansai ya nombotņe senņe âlâlâhât umburuk mansai ya yengât den pat ekyongomune nângâwi. Yâhâ yeņe girawu tânyongonom sâm âinohowi yakât yuwu sâmune nângâņet. Galatia kapi ambolipņe tewetsenņe menduhunomai sâm mâtâp tiripyongowan yawuâk yen tiripyongomune otnomai.

<sup>2</sup> Nâņe yengâlen takawom yan nanņe menduhum katne sâm pâinņetâ biatmapgât nângâm Sande ârândâņ menduhuaknomai yan nepyenahât hâmeņe memai yakât torehenņe mem Yerusalem kapi ambolipņe yengât pat sâm menduhum konohân katņetâ tatbuap.

<sup>3</sup> Otmu takawom yan yeņe bukulipyenņe nombotņe nanņe mem ari Yerusalem kapi ambolipņe yinginomai sâm lok katyekbi ya pepa kulemgum yingiwom. Kulemgum yingimune mem ari Yerusalem kapi ambolipņe tiripyongonjetâ buku otyinginomai.

<sup>4</sup> Yawu gârâmâ nine orowâk arinomgât mâtâp tetewuap otmuâmâ orowâk arinom.

*Pauloņe nep tuhuwom sâm nângân nângân kalop.*

<sup>5</sup> Yâhâ nâmâ Epeso kapi yu pilâm yengâlen takawom. Angoân Makeronia hânân kapi tatmâ arap ya yengâlen ari Kiristohât komolipņe girawu mansai ya kapi ârândâņ hawamgum yekmâ yanjak yengâlen takawom.



6-7 Yengâlen takamune yen orop tipije mannom. Yawu gârâmâ Kutdânenjañe nângânihimu yen orop sâp kâlep manmâ to yambu pesuk sâek sâm mambotbom. Otmu to yambu pesuk sâwuap yan mâtâp meniñjetâ wosapâ me wosapâ ariwom yakât ki nanjan.

8-9 Sâp yuâmâ Epeso kapi yuân manmâ Kiristohât den pat âlepñe kâsikum yingimune lohimbî dondâñe yâkâlen biwiyenñe katnomaihât mâtâp teteap. Otmâ lok dondâñe gurâ mâtâp yu mañgunihine sâm oai. Yakât otmâ tipije tatmâ âi tuhumune Pentikos hombañ otbuawân kapi yu pilâm Makeronia ariwom.

10-11 Timoteoñe yengâlen takawuap yan ki ekmâ mete kârâ otnomai. Nâñe Kutdâhât hoñ bawanjim âi meman yukât dopñeâk hoñ bawanjim âi memap. Yakât otmâ takamu buku otbawanjim mâtâp mewaññjetâ lohotñan takamu enaknom. Yâhâ nâmâ bukulipyenñe orop manmâ yâkât mambotbanjain.

12 Otmu bukunenñe Apolo yâkât yuwu sâmune nângâñet. Bukulipyenjañe pilânenekmâ yengâlen âwurenomai yan gâ orowâk arinomai sâm ekum meme sâsâ tuhum gan. Yawu gârâmâ sâp yiwereñeâmâ orowâk takanomaihât hâkân oap. Yâhâ sâp âlâen mâtâp tetewañgiwuap yanâmâ âlepñe hângângumune yengâlen takawuap.

*Den bâiñe sâop.*

13 Otmu yenñe Kiristohât wâtñan kinmâ yuwu otmâ mannomai. Biwiyenambâ nângân nângân bâlenñe âlâlâ tetemu ya watmâ otmain sâm biwiyenñe galemahom mannomai.

Me bukulipyene nombotje Kiristohât den kelangetmaiŋe enġatyenjan kionmaihiât biwiyeŋe ki pâlâmŋe otbuap. Yawu manmâ Kiristohâlen biwiyeŋe hikuakmâ konohâk otmu tânahom mannomai. Otmu lohimbi belângen manmaiŋe mâtâp maŋguyiŋgimaihiât kârihem kinmâ manmanyene galemahom mannomai.

<sup>14</sup> Otmu Kiristo orop biwiyeŋe kepeiakmâ konohâk otmu tep âlep nanġanġim hoŋ bawaŋginomai.

<sup>15-16</sup> Bukulipne, anġoân yengâlen gâtje lok âlâ, kutje Setepanas sâm, hep torehenlipje orowâk Kiristohâlen biwiyeŋe kepeiwi. Yawu otbi yapâek manmâ gai ya topyeŋe nâŋgâm heŋgeŋguai. Otmu Akaia hânân kapi tatmâ arap yakât ambolipŋe Kiristohâlen biwiyeŋe kepeim manmai ya yengât nâŋgâm yâkŋe hoŋ bayiŋgim mansai. Yakât otmâ yeŋe lohimbi yawuya yengât nâŋgâŋetâ yahatmu amutyenjan manŋetgât nanġan.

<sup>17-18</sup> Otmu yen orop ki enġakmâ mansaingât tepne dondâ nâŋgânyingian. Yawu gârâmâ Setepanas bukuyâhâtje, kutyetje Potunato yet Akaiko sâm, yâkŋe yeŋe tepyeŋe nâŋgânihiyai yakât eknohoŋetâ biwine huruŋ sâop. Yakât otmâ tep hero nâŋgâyingian. Otmu hâŋgânyongomune âwurenomai yan nâŋe herone nâŋgâyingim mansan yakât den pat ekyongoŋetâ yen gurâ yawuâk biwiyeŋe huruŋ sâwuap. Yakât otmâ yengâlen takanomai yan ewe katyeknomaihiât nanġan.

<sup>19</sup> Den bâiŋe sâwoman. Asia hânân yu kapi tatmâ arap yakât ambolipŋe biwiyeŋe Kiristohâlen

kepeim mansaiŋe yeŋgât nâŋgâyiŋgiai. Otmu lohimbi yâhâp, kutyetŋe Akuila yet Pisisila, lohimbi nombotŋe yâk yetgât emelan yâhâ menduhuakmâ Kiristohât den alahum kiki mewangim mepaemai yaŋe orowâk yeŋgât nâŋgâyiŋgiai.

<sup>20</sup> Otmu bukulpne nâ orowâk tânahom mansaiŋe yawuâk nâŋgâyiŋgiai. Otmu Anitâ yet Kiristohâlen biwiyeŋe kepeim mansai yeŋe herone nanŋanŋinimai.

<sup>21</sup> Otmu lok ekap yu kulemgwap yu ekumune kiripi nihimu nine bâtnaŋe bâiŋehen kutne kulemgwan yu ekmâ nâŋe herone nâŋgâyiŋgian yawu nâŋgânimai.

<sup>22</sup> Yawu gârâmâ yeŋgâlen gâtŋe âlâ me âlâŋe Kutdânenŋe ki ewe katmâ yâkâlen biwiyeŋe kepeim mansai yamâ Anitâŋe hilipyongowuapgât nanŋan. Yakât Kutdânenŋe âwurem gewuap.

<sup>23</sup> Kutdânenŋe Yesu tihitnenŋe otmapŋe biwi nâŋgân nâŋgânyeŋe mem konohân tuhumu kepeiakmâ manŋetgât Anitâ ulitguman.

<sup>24</sup> Yen orop biwinenŋe Kiristohâlen kepeim mansain. Yawu manmâ biwinanŋe kepeiyekmâ nâŋgâyiŋgim mansan. Yawuâk.

Nâ bukuyeŋe,  
Paulo

**Yeshuât Den Pat Âlepŋe**  
**The New Testament in the Selepet Language of Papua**  
**New Guinea**  
**Nupela Testamen long tokples Selepet long Niugini**

copyright © 1986 Wycliffe Bible Translators, Inc.

Language: Selepet

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-10-23

---

PDF generated using Haiola and XeLaTeX on 18 Mar 2025 from source files dated 31 Aug 2023

995083d2-705e-5a60-af47-1e36806cccbc